

四庫全書

子部

欽定四庫全書

萬姓統譜卷一百六

明 凌迪知 撰

去聲

二十三

向

河南宮音宋桓子向父盼孫向戌為左師子孫因氏

周

向戌

仕宋為左師充合晉楚之和  
公賞之邑六十左師解邑

向寧

太宰

向鄭

向宜

皆戌之後

向黜

司馬戌之曾孫

向為人

左傳宋向為人為太司空向帶為太宰華元使向使為左師樂毅為司寇以靖國人

漢

向長

字子平朝歌人隱居不仕性尚中和貧無資給嘗讀易至損益卦喟然歎曰吾已知富不如貧

貴不如賤但未知死何如生耳建武中男女嫁

向栩

字甫興長之後累官侍中每朝廷有大事栩侃然正色無所撓屈百官憚之

三國  
向朗

字巨達襄陽人初為臨沮長歸先主定江南以朗為巴西太守後為光祿勳潛心典籍年踰八

十猶手自校書刊定謬誤積聚篇卷開門接賓訪納後進人皆敬慕焉

向寵

諸葛亮表曰將軍向寵性行淑均曉暢軍事試用於昔先帝稱之曰能愚以為營中之事悉以

咨之必能使行陣

和睦優劣得所

向雄

字茂伯河內山陽人初仕魏為秦州刺史咸寧中為御史中丞遷侍中太康初為河南尹有大

志在朝

多諫正

向秀

字子期河內懷人清悟有遠識雅好老莊註莊子發明奇趣與嵇康親善康沒作思舊賦仕至

黃門侍郎

散騎常侍

南  
北  
向靖

字奉仁山陽人與宋文帝有舊永初間以佐命功封曲江縣侯位太子太傅加散騎常侍立身

儉約不營室宇無田園商

貨之業時人稱之子柳

向柳

字玄義有學著才能立身方雅太尉袁淑司空徐湛之揚州刺史顏竣皆與友善及竣貴柳猶

以素情自許不推先之順陽范璩誠柳曰名位不同禮有異數卿何得作曩時意邪柳曰我與士遜心期久矣豈可以一旦勢利易之邪及柳為南康郡涉義宣事敗坐繫建康獄屢密請竣求相申救孝武帝與竣言及柳事竟不助之柳遂伏法

唐向訓

宣徽使

五代向拱

字星民河內人少倜儻負氣仕周累立戰功遷檢校太師武寧軍節度使宋封秦國公卒贈中

書令子德明官至洛苑使昱進士出身孫懌國子助教悅虞部郎中

宋向敏中

字常之開封人父瑀仕五代漢為符離令敏中舉進士累官中書侍郎同平章事天禧中

進左僕射昭文館大學士居大任三十年沉毅  
開濟識達大體卒諡文簡有文集十五卷孫經  
女為神

宗后

向寶

鎮戎軍人為涇源秦鳳鈴轄積勞歷真定鄜延  
副總管遷嘉州團練使寶善騎射年十四與敵  
戰斬首兩級及壯以勇聞有虎踞五原卑邪州  
東西百里斷人跡寶一矢殪之神宗稱其勇以

比薛仁

貴云

向道

闕

學校增廣生員通判鳳翔

向伯奮

字元伯樂平人靖康時監在京闕  
有偽詔弃官去高宗召知建州闕

皆有

功孝宗時拜戶部侍郎尋得祠養闕  
廣西起知靜江伯奮威名闕

宣竊發  
皆約日出

降所著有時論十卷  
奏藁三卷詩十卷

向宗回

徽宗時知蔡州擒劇賊并其黨類歲饑  
發廩興役飢者得濟而官舍帑廩一新

向子諲

字伯恭清江人敏中玄孫知咸平縣豪闊席  
勢犯法獄具上開封尹盛章方以獄空覲賞

却不受子諲以聞詔許自  
論決歷叅知政事諡簡惠

向子韶

字和卿敏中之從孫舉進士累官東京轉運  
使時屬郡郭奉世進萬緡羨餘戶部請賞之

以勸天下子韶奏言近臣首開聚斂之端寢不  
可長士論韙之高宗朝出知淮寧府金人犯城  
子韶親擐甲胄率諸弟誓以死守仍遣人赴宗  
澤求援兵未至而城陷子韶為賊所執左右抑  
令屈膝子韶直不動戰手責罵金人殺  
之闔家皆遇害贈通議大夫諡忠毅

向子志

知衡州首鋤擊大胥姦賊十餘人民情始通時大旱米價騰踊子志遣人糴于鄴州歸糶

之所活萬計頌聲洋溢尋以誣奉祠士民羣聚提刑司擊鼓舉留及戒途日闔郡遮擁

向語

字伯源子諲仲子靜重端確綽有父風倅邵陽未幾即掛冠歸

向士虎

字伯虎子諲孫七歲時聞祖子諲誦靖節南山詩亟竦聽若有所得子諲大異之授茂名

尉不忍去親側遂不仕適意賦詩每有物外之趣

向士壁

字君王常州人紹定進士歷官至權兵部侍郎湖南安撫使兼知潭州元兵圍潭士壁戰

走之士壁負才氣精悍自好常捐家貲百萬以供軍費數立奇功似道入相疾其功諷陳寅等劾罷之

向綜

知歙縣性寬裕善治劇闕惡少年有盜發用以推闕

得

向真

麻陽人為峽州軍牙頭指揮使時蠻寇叛真被擄罵賊不屈遂遇害事聞詔立廟贈內殿崇班

向宗旦

河內人宣奉郎守太常博士知縣事兵馬都監及管河塘溝洫公事治平二年建順民倉

向遜

宜都人自宋末及元九世同居共爨人無間言稱為義門其十世孫存仁存禮早卒存仁妻張存禮

妻杜各一子二婦年未及三十堅

守節義至元中旌表其門曰節義

明  
向寶

字克忠進賢人洪武中進士歿歷仕途清譽著稱累官至都察院右都御史兼詹事府詹事宣

德初條陳八事言論剴切

有裨治道尋引年致仕

向朴

字尊博慈谿人宗慈湖之學行務實踐力學養親不求聞達洪武二十五年上命督府都事張

允直訪求江南人材以朴應詔擢為獻縣令時值兵燹之餘為之閭荆榛畚瓦礫教百姓農桑

與同甘苦流移復業北平兵起獻當兵衝無城郭朴集民兵激以勇義思為保障竟以天命有歸懷印組蒙難獻民哀之相與拾遺骸葬道左寒食哭奠如哀父母至嘉靖間崇祀鄉賢祠

向文敏

字懋學湖廣沅州人宣德初任湖口訓導清修自好士類賴其造就卒于官遂與陳闕林

純合祀號為三先生云

向侃

字希顏巢縣人永樂舉人宣德中任靖寧州判官潔已愛民不避難苦尋陞監察御史歷知府砥礪名節清約如寒士性尤

孝友兄弟五人白首同居

向欽

字德恭慈谿人幼嗜學挾策未嘗釋手應五經試入學家貧資修儀以養父母門人經指授登甲科者相望以貢授宜春訓導進諸生日與講授施及旁郡邑暨從宦子弟皆來學間有貧不

自存者欽量次給之言及于利輒面為發赤遷  
新淦教諭值峽江縣初析諸生在新中者義不  
忍舍願歸舊學者數十  
人父卒終喪遂致仕

向敬

四川人正統進士

向翬

四川人成化進士

向榮

字至德進賢人成化乙未進士歷副使

向錦

字中美慈谿人弘治進士除東流令擢鳳陽同知值歲大侵侍郎王瓊承命賑濟按籍給散惟

土著者得食流民多享死錦憐之白于王為計  
口給食數萬人無一譁者王特疏薦之陞南禮  
曹為廉州知府安南夷黎飯因國亂脇居民百  
餘越屯廉界中欽州以獲寇申御史大偉其功

夷皆論死錦審之皆携老幼提筐牀藍縷無一  
兵仗力爭于御史以為夷人越界罪止首惡餘  
宜遣還御史啣之竟免歸合浦產珍珠採取費  
鉅萬錦一無所私歸裝蕭然錦博學強記為詩  
遍盛唐有寓康集左氏  
咏和梅百韻竹坡稿

向道淳

字永修慈谿人幼傳家聞  
架棟遺文多宋僕射闕

米反宗

求于心卓有匡濟天下闕  
衣冠葬陽闕

遂弃科舉

業杜門闕

應慤既被謫始

服其明哲後督府闕 張深知  
淳強上其名竟稱痼疾不起

向庭蕙

遜十代孫修孝敬好讀書讀律鄉舉為闕老  
惟尚公道不懼勢位凡政務有不平直言諫

正邑有同行商者一人溺水未溺者被誣僉憲劉數處庭蕙力言其故其人得釋邑人咸以直

義稱

之

向宗哲

字汝賢四川資縣人嘉靖乙未進士歷副使

向洪邁

字仲臯慈谿人嘉靖甲辰進士歷叅政

嘉靖乙丑進士向程慈谿人任御史

尚

京兆商音周太師尚父之後又望出清河上黨

周尚靳

戰國遊士也楚圍雍氏靳為韓使秦秦遂救韓

漢尚長

隱士高士傳作向長

尚章

尚彊

見印

唐尚獻甫

衛州汲人善占候為渾儀監令撰方域等篇  
熒惑犯五諸侯自陳曰臣命納音金也今居

太史位火犯之且死武后為

遷水衡都尉以厭之竟卒

尚衡

至德中功臣二百六十五衡第二功散  
騎常侍檢校禮部尚書兼御史大夫

尚可孤

建中四年朱泚反李晟屯東渭橋可孤  
以神策軍屯藍田受晟節度晟兵大振

尚道長

仕宋為僉判楊誠齋贈詩云今代高人尚子  
平風流文采舊家聲合于玉殿班中立却向

紅蓮幕

裏行

元尚文

深澤人幼穎悟負奇志至元中劉秉忠言於世祖詔文與諸儒採定朝儀後出守耀州有政績

累遷中臺侍御史守正不阿拜中書右丞致仕武宗仁宗之世屢延致之訪以國事賜宴及金

帛甚

厚

尚野

保定人志趣正大文詞典雅一本于理事繼母以孝聞至元間徵為國史院編修累官集賢侍

講學士兼國子祭酒卒追贈上黨郡公諡文懿子師奎章閣侍書學士

明

尚迪

獲嘉人儀度殊常才識越人洪武中由太學生歷官刑部郎中永樂中陞四川左右政使

尚甫

山東人洪武進士

尚肅

齊河人洪武進士

尚志

字士行同州人號南岡先生通五經隱於白水之龍岡山正統中累徵不起詔授本庠訓導乃

翻然以斯道為已任文章道德俱可師法

尚統

字景福羅山人正統進士授行人嘗上言時事拜監察御史性剛正不阿劾都御史周鍾謫驛

丞尋復職又以言事

謫歷湖廣僉事致仕

尚敬

臨潁人成化進士

尚衡

字一中同州人弘治進士任工科給事中上疏諫止造佛塔有臣可無此身陛下不可有此過

上為改容

歷叅政

尚儒

字美信睢陽人弘治癸丑進士歷叅政

尚綱

睢水人正德進士山東右叅政

尚維持

字國相羅山人嘉靖辛丑進士歷提學副使

嘉靖丙辰進士尚德恒西亢人歷副使

亢

去聲見姓苑

漢

亢過

見印數

唐

亢潮

京兆人登科

亢軫

五官正

明

亢信

咸寧人永樂中仕洪洞知縣

亢通

定襄人景泰舉人

亢霖

字弘濟河南宜陽縣人舉人成化中任當塗縣知縣

亢良玉

臨汾人為府學生事父母能色養得其歡心母卒廬於墓側朝夕哀號有芝草叢生棗葉

如蓮之異正德四年旌表其門

亢思謙

字子益山西臨汾人嘉靖丁未進士改庶吉士以府親改提學歷官左右政使

萬厯丙子舉人亢孟禧臨汾人

况

姓苑云廬江有此姓

况長寧

諸葛恪傳云况長寧以為君子臨事而懼好謀而成蜀為叢爾之國所規所圖惟守與戰

元况達

廬江人少讀書有用世志泰定末為光澤令下車之日富强民素為長史信從畏憚者悉不聽

入謁獨延見諸生與講學建雲巖書院後為高安令平反冤獄有去思碑

况鍾

字伯律靖安人吏員永樂中薦授禮部主事薦知蘇州府在任十有三年陞正三品卒

况琛

高安人永樂進士

况文

字應奎高安人永樂甲申進士授御史辨冤獄人稱神明歷廣東左叅政

况子玉

廬州人正統間知宣城剛斷敏給歲饑多方賑濟民賴全活

况真

字彥珍高安人由歲貢歷工部刑部主事福建按察僉事正統己巳鄧茂七黨寇汀州指揮馬雄討之有功明年失利謫黑鹽大使天順間復僉事致仕真性質直用法平允與人有惠後進

階中奉

大夫

況暹

字鼎元上高人由舉人歷萊陽漢川歸安教諭

敕封儒林郎光祿寺署正制行純潔文章典雅周旋禮度舉足為法間居三十年

況照

字廷光高安人正德戊辰進士歷僉事

況惟垣

字翰臣高安人嘉靖丙戌進士歷郎中

況叔祺

字吉夫高安人嘉靖庚戌進士任參政

望

齊太公望之後姓况云魏興人

宋

望儼

景佑登科

明

望本

夷陵人永樂舉人訓導

望子成

達安人宣德貢士

望子威

達安人弘治進士任吏目

望增

河內人弘治中常州府推官

隆慶中湖廣善化縣知縣望廷臣夷陵人

諒

見氏族

諒毅

辨士也為趙使秦有專對之才

諒輔

新都人為郡五官掾時天大旱乃祝曰輔不能進諫納忠薦賢退惡至令天地否隔萬物焦枯

若日中不雨乞以躬自焚  
項之雲合雨澍一郡沾洽

暢陳留風俗傳有暢氏望出魏郡

暢惠明齊人撰論  
語意十卷

漢暢曾撰水德  
經一卷

唐暢瑾河東人鄉舉進士天寶末安祿山奏為河北海  
運判官三遷大理評事副元帥郭子儀辟為從

事至德初肅宗即位大收俊傑或薦瑾召見悅  
之拜諫議大夫累轉吏部侍郎廣德二年十二  
月為散騎常侍河中尹兼御史大夫永泰元年  
復為左常侍與裴冕並集賢院待制大厯五年  
兼判太常卿遷戶部尚書瑾廊落有口才好  
談王霸之畧居職責成處分齷齪無過而已

暢當

詩人貞元中  
為太常博士

宋

暢适

暢彥

河中人  
登科

暢鈞

河南人  
登科

暢大隱

字潛道洛陽人師程氏今程氏  
遺書二十五卷即其所記也

元

暢淳夫

襄陽人博學能文仕至翰林學  
士卒諡文肅子敏仲亦有才名

暢師文

字純父南陽人幼敏悟家貧無書手錄口誦  
過目輒不忘弱冠謁許衡與姚燧高閼相友

善至元間陳時政十六策安童奇其才累官翰林  
學士卒追封魏郡公諡文肅長子篤仕至江

東道肅政

廉訪副使

明

暢與

榮河人

暢儒

萬泉人

暢茂

太寧人俱景泰舉人

暢衡

江陵人成化中武進縣教諭

暢亨

河津人弘治進士任御史

暢華

字子實隴西人正德丁丑進士事母闕錫知縣處繁治劇日有餘力在任闕

無民咸

服陞刑部主事歷官闕

暢孟樂

河津人嘉靖舉人

萬厯間延川知縣暢揚大寧人

萬厯間澄城知縣暢孔樂河津人

伉

見風俗通

漢

伉喜

中大

晉

伉嘉

漢中太守

抗

丹陽

漢

抗徐

字伯徐丹陽人鄉邦稱其膽智初試守宣城長  
悉移深遠叢椎髻烏語之人置於縣下由是境

內無復盜賊後為中郎將擊太山賊周孫舉等破平之斬首三千餘級封烏桓東關侯

曠師曠之後

宋

曠湜

潭州人  
登科

曠世臣

吉水人紹興進士

明

曠敏

宿州人永樂舉人任山西清源縣教諭

曠緝徽

安福人永樂舉人

曠彥溫

德州人正德中任餘干知縣

曠宗舜

醴陵人嘉靖戊子湖廣解元

曠騰

遂寧人嘉靖舉人

萬厯癸酉舉人曠驥吉水人

湖廣沔陽州有曠氏

鄺

音曠一音荒望出廬江姓苑云今臨淮有此姓廣東南海高安多此族

宋

鄺靖

閬州人嘉佑進士

鄺懷忠

韶州人嘉太進士特科

明

鄺寶

洪武間由賢良方正舉授承事郎山西沁源縣知縣

鄺仲鏗

洪武甲子舉人

鄺子輔

宜章人以明經任本縣訓導陞安福令未受復改句容教諭所在咸立師範謝職歸子塾

登進士歷官陝西按察使嘗以俸錢易一絨褐歸奉子輔大怒封還以書責之塾欲相見與僚友謀請為鄉試考官子輔知之復怒責之曰豈有子廉訪而父典文衡乎其嚴義之訓耿耿如是故世稱塾賢必知有子輔賢云

鄺塾

字孟質永樂進士授御史累官兵部尚書沒于土木贈少保諡忠肅官其子儀為主事

鄺彥譽

臨武人舉賢良方正任四川布政司檢校正統十年陞錢塘知縣心存愷悌政尚寬平以

興學為務保陞浙

江按察司僉事

鄺贊

任丘人景泰癸酉舉人任浙川知縣

鄭文

南海人成化進士任御史郎中郊副使約知州元集皆其後也

鄭均

高安人弘治進士任副使

鄭璠

字廷瑞任丘人正德進士先任吳縣知縣以能遷正德辛未擢守瑞州蒞任日莘林盜猝至璠

率子弟僕從挾民兵登譙樓發毒矢射却之賊退尤多方勦捕築城堡謹闕

減民人安堵皆璠賜焉又闕  
政執法不私忤時貴而罷闕  
興學校多惠  
嘆慕祀遣愛祠

鄭灝

字子元任丘人正德丁闕  
丑進士歷翰林侍講闕

鄭達禮

新會人恩平縣學生事母伍氏闕  
友愛諸弟嘉靖初友人何希淵闕

達禮憫焉闕  
賊見達禮曰此奇士也欲脅以相從達禮不屈  
賊贖之

所虜能

而死提學副使魏校遣人往弔兵  
備食事王大用旌其門曰義士

鄭汴

字子京任丘人嘉靖戊戌進士歷光祿寺卿

嘉靖乙丑進士鄭彭齡南海人子鄭立方萬曆丙

子舉人

黨見姓苑

南黨耐虎

姚弋仲將

唐黨金毗

僕固懷恩下將

壯

周壯馳玄

晉大夫吳人趙簡問賢人

贛

漢贛遂

琅邪人成帝時耆老大儒教授數百人拜關舒  
遲朱博為琅邪守以其不習吏事復闕之

晃

漢

晃華

文士

旺

明

旺斌

宣德間任福  
州衛千戶

碭

漢

碭魯賜

東海太守  
申公弟子

相韻會云出姓苑息亮切作平聲非姓

浪晉書永嘉中張平保青州為其下浪逢所殺

放堯臣放齊之後

儻見姓苑

匠風俗通云氏于事者巫卜醫匠

亮出姓苑

象姓苑云潁川人今南昌有此姓

盎於浪切見姓苑

# 欽定四庫全書

子部

萬姓統譜卷一百七十九

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣嵇承志

謄錄監生臣胡宗高

欽定四庫全書

萬姓統譜卷一百七

明 凌迪知 撰

去聲

二十四敬

鄭

滎陽徵音周厲王少子友封鄭為鄭桓公今華州鄭縣是也至幽公為韓所滅平孫播於陳宋以國為氏

周

鄭國

魯人孔門弟子有令德後世追封胸山僕

鄭安平

齊人救范雎

漢

鄭弘

字季卿泰山剛人與兄昌字次卿俱明經通法律政事昌為涿郡太守弘為南陽太守皆著治

續條教法度為後所述後弘以高  
第人為右扶風官至御史大夫

鄭當時

字莊陳人以任俠自喜聲聞梁楚之間景帝朝為太子舍人當置驛馬請謝賓客其知友

皆天下名士武帝朝為大司農戒門下客至無  
貴賤無留門者執賓主之禮以貴下人常推轂  
士進之惟恐後山東  
諸公翕然稱鄭莊

鄭興

字少贛開封人學公羊春秋兼通左氏嘗與劉  
歆條列章句傳詁及校三統厯建武間召為太

中大夫子衆傳父學永平中累官大  
司農以清正聞孫安世亦知名于時

鄭吉

會稽人以卒伍從軍數出西域由是為郎宣帝  
時吉以侍郎出渠黎積穀因發諸國兵攻破車

師遷衛司馬使護鄯善以西南道神爵中匈奴  
乖亂日逐王先賢憚欲降漢吉發渠黎龜茲諸

國五萬人迎日逐王詣京師漢封日逐王為歸德侯吉既破車師降日逐王平西域遂并獲車師以西北道故號都護都護之置自吉始焉上嘉其功效廼下詔封吉為安遠侯食邑千戶吉於是中西域而立幕府治烏壘城鎮撫諸國誅伐懷集之漢之號令班西域始自張騫而成於鄭吉卒諡曰繆侯

鄭太

字公業開封人少有才畧累官侍御史董卓亂太與荀攸何顒并謀誅之事洩太走歸袁術為揚州刺史子表有識鑒仕

晉累官光祿勳進司空

鄭崇

字子游高密人哀帝時為尚書僕射每闕履進見上曰我識鄭尚書履聲其見寵眷如此後

以直諫忤旨下獄死天下哀之

鄭均

字仲虞仕城人好義篤實累官至尚書數進忠言章帝重之後以病乞骸骨歸帝東巡過任城

幸其第賜尚

書祿以終身

鄭眾

字仲師為人謹敏和帝初加位鈞盾令時實憲竊威權上下附之而眾獨一心王室又首謀誅

憲策勲頒賞每辭多受少

帝念其功美封鄴鄉侯

鄭寬中

平陵人有雋才師張山拊傳小夏侯之學成帝時賜爵關內侯疾卒谷永上疏曰鄭寬中

為顏子之美質包商偃之文學嚴然總五論之眇論立師傅之顯位卒然早終宜加葬禮賜之

令諡上弔

贈甚厚

鄭弘

字巨君山陰人少為鄉嗇夫太守第五倫行春見而深奇之召署督郵舉孝廉弘師同郡河東

太守焦贲楚王英謀反發覺連及贲贲被收捕疾病道亡妻子被繫詔獄掠考連年諸生故人懼相連及皆改變名姓以逃其禍弘獨詣闕上章為贲訴罪顯宗覺悟即赦其家屬弘躬送贲喪及妻子還鄉里由是顯名拜為騎令政有仁惠民稱蘇息遷淮南太守元和初拜太尉弘前後所陳有補益王政者皆著之南宮以為故事

### 鄭玄

字康成高密人入關從馬融受學後歸鄉里學徒相隨者數百千人國相孔融深敬之玄嘗道遇黃巾賊數萬人見玄皆拜相約不敢入縣境袁紹帥冀州大會賓客競設異端百家互起玄隨方辨對咸出問表莫不歎服

### 鄭小同

玄之孫玄以其手紋似己名曰小同英發不羣韞積六經鄉人師尊之為侍中嘗詣司馬

昭昭適密疏未函如廁遂問曰卿見我密疏乎  
對曰未也昭曰寧我負卿卿勿負我也遂投鴆

而卒

鄭子真

褒中人家于谷口耕于岩石之下名震京師  
成帝時王鳳備禮聘之不應其清風足以激

貪厲俗近  
古逸民也

鄭勤

元帝時為漢中太守先  
零羌人入寇勤戰死

鄭默

字思元起家秘書郎考覈舊文刪省浮穢虞松  
曰而今而後朱紫別矣孔融深敬之告高密縣

為立建立一鄉曰鄭  
公鄉門閭號道德門

鄭產

泉陵人為白土鄉嗇夫時民凡產子一歲輒出  
口錢人多不舉子產勸百姓勿殺子口錢當自

代出郡縣為表上言錢因  
得除改白土曰改生鄉

鄭敬

汝南人與同郡鄧惲隱于弋陽山中惲志在從政喟然嘆曰天生俊士以為人也子從吾為伊

乎敬曰吾足矣惲告別而去

鄭度

漢州人有智謀劉璋時為益州從事昭烈據涪城度謂璋曰左將軍客也我主也軍無轉餉仰

給于我今既與我仇不過野穀是資若盡驅巴蜀梓潼之民納涪水以西倉廩野穀盡行燒除高壘深溝請戰不許不過百日彼將自走走而截之此成擒矣昭烈聞而惡之璋不從

三  
國  
鄭渾

字文公太弟事曹操為下蔡長邵陵令時天下未定民生子多不舉渾課使耕桑重去子之法

民漸豐給所育男女多以鄭為字魏建國累官魏郡太守子崇仕為郎中

鄭球

字子瑜默子少辟宰府七侍二宮成都王為大將軍起義討趙王倫球自頓立太守為右長史

以功封平壽公累遷侍尚書散騎常侍

鄭泉

字文淵陳郡人博學有奇志而性嗜酒常曰願得美酒滿五百斛船以四時甘脆置兩頭反覆沒飲之憊即住而啖肴饈酒有斗升減隨即益之不亦快乎孫權以為郎中泉好面諫權嘗與之言曰寧畏龍鱗乎對曰君明臣直今值上下無諱實恃弘恩不畏龍鱗臨卒謂同類曰葬我陶家之側庶百歲後化而成土幸見取為酒壺實獲我心

晉鄭冲

字文和開封人博學經史初仕魏為陳留太守累官太保封壽光侯時定儀禮律令多主于冲

入為太傅進壽光公致仕

鄭袤

字林叔泰子少孤有識鑒荀攸見之曰鄭公業為不亡矣仕魏累官濟陰太守

南鄭鮮之

字道子開封人仕宋累官御史中丞性剛直言無所隱權貴憚之遷尚書右僕射子愔仕

至始安太守

鄭義

字幼璘滎陽人渾八世孫仕魏累官中書令出為西兗州太守表薦士類時論多之子道昭博

覽羣書累官秘書監兗州刺史孫祖述文雅有風采仕北齊累官太子少保兗州刺史兗人歌之曰大鄭公小鄭公相去五十載風教猶相同

鄭伯猷

義兄孫博學有文才早知名舉闕太學博士領殿中御史與當闕

申游歷

欽明帝釋殿詔伯猷錄義後闕書郎典起居注以軍功賜爵陽闕

鄭瓊

字祖珍有彊幹稱位范陽太守頗有德政義昌中弟儼寵要重贈青州刺史瓊兄弟友睦其諸

姊如亦咸相親愛閨門之內有無相通為時人所稱美子道邕周少司空

鄭懿

字景伯涉獵經史位太子庶子襲爵榮陽伯懿間雅有政事才為孝文所器遇拜長史累給事

黃門侍郎

鄭道昭

字僖伯孝文饗侍臣與兄懿俱侍坐孝文歌曰白日光天無不耀江左一隅獨未照懿續

曰雲雷大振兮天門闢率土來賓一正歷道昭曰皇風一鼓兮九地匝戴日依天清六合累遷

國子祭酒

鄭紹叔

字中明開封人仕梁為安豐令有能名累遷司州刺史繕兵積穀流民多歸焉終左衛將

軍

鄭頤

字子默彭城人高祖據為彭城太守自滎陽徙焉任北齊初為太原公東閣祭酒乾明初拜散

騎常侍兼  
中書侍郎

鄭灼

字茂昭東陽人勵志儒學梁簡文在東宮雅愛經術引灼為西省義學士灼性精勤尤明三禮

家貧抄義疏以日繼夜嘗  
蔬食講授其篤志如此

鄭抗

字子信頤之弟仕北齊武平末兼左右郎中待詔文林館

鄭述

字恭文有風檢為先達所稱譽仕齊遷兗州刺史其父亦嘗為此州及病曰一生富貴足

矣以清白之名遺  
子孫死無所恨

鄭慤

魏太始中於三伏內集賓寮避暑歷陽取大荷葉盛酒刺令與柄通屈莖如象鼻傳吸之名碧

酒

鄭道邕

字孝穆義從玄孫以清約自居叔父四人皆早世道邕撫諸孤如同出仕魏累官岐州刺

史綏撫遠近戶增四萬治為天下最入為少司空

鄭先護

義兄曾孫少有武幹先帝之居藩也先護得自結託及爾朱榮攝兵向洛靈太后令先護

與鄭季明等守河梁先護聞莊帝即位於河北遂開門納榮以功封平昌縣侯廣州刺史

鄭偉

字子直道邕姪子少儻有大志每以功名自許善騎射膽力過人大統三年與宗人糾合舉

兵於陳留信宿間遂有衆萬人拔梁州梁陳間相次降欽偉馳入關西文帝與語嘆美之拜北

徐州刺史

武陽縣伯

鄭元禮

述祖子字文規少好學受文藻有名望文襄引為館客歷兼中書舍人南主客郎中太尉

諮議參軍長廣樂陵二郡太守待詔文林館太子舍人崔昂後妻元禮之姊也魏收又昂之妹夫昂持元禮數篇詩示盧思道乃曰看元禮比來詩詠亦當不減魏收思道答云未覺元禮賢於魏收且知妹夫疎於婦弟元禮齊亡入周大象中卒於始州別駕述祖弟遵祖秘書郎贈光州刺史遵祖弟順祖卒於太常丞

鄭離

述祖族子有識尚操行清整仕至膠州刺史初文宣為皇太子納其女為良娣離時為尚書郎

趙郡李祖昇兄弟微相敬憚楊愔奏授離趙郡太守祖昇兄弟具服至離門投刺拜謁文宣聞

之喜笑曰足得  
殺李家兒矣

鄭修

北海人少隱於岐南几谷中依巖結宇不交世俗雅好經史專意玄門前後州將每徵不至岐州刺史魏蘭根頻遣致命修不得已暫出見蘭根尋還山谷蘭根申表薦修明帝詔付雍州刺史蕭寶寅訪實以聞會寶寅作逆事不行

鄭露

字思叟其先出滎陽過江入閩達祖昭嘗過泉之莆口愛其風土因遷祖墳於南山葬焉至陳時莆猶未為縣人不知儒學露與其追莊淑自福之永泰徙莆廬護墓側卜居南山之勝構書堂以修儒業後因夢捨書堂為永豐庵又捨所居為金僊庵別架小書堂以居自露倡學後莆人始興學號為南湖三先生按鄭氏家譜稱露為隋太府卿莊中郎將淑別駕

隋鄭譯

字正義道邕子初仕魏累官內史上大夫進封沛國公入隋以定策功拜柱國書修樂府聲調

凡八篇又奉詔定律今正音

樂卒官岐州刺史諡曰達

鄭翻

字靈雀晉陽人父紹元小字安都仕齊位太尉諮議趙郡太守翻少有器量涉學好文章齊武

平末位司徒記室參軍尋遇齊亡歷周隋遂不仕隱居滎陽三窟山傲誕不自羈束或有所之造乘驢衣韉破弊而往遠近欽其高名皆謂有異狀觀者如堵及見其形乃甚短陋不副所聞然風神俊發無貴賤並敬服之納言楊素聞其名因使過滎陽迎與相見言談彌日深加禮重及歸言之朝廷累徵不至終于家

唐鄭玄瑾

滎陽人武德初為蒲圻令在任多善政及官署學校田土經制悉其所區畫有創建功

鄭興

孝義人貞觀初以孝義稱因名其縣云

鄭善果

榮澤人仕隋為魯郡太守母崔賢明嘗坐閣內聽善果處決或當理則悅有不可則責媿之故善果所至有績歸唐檢校大理卿奉法持正風績顯公卿間從父兄元璿愛尚文藝五聘

絕域

鄭惟忠

宋州人天授中以制舉召見武后問舉者何所事為忠惟忠曰外揚君之美內正君之惡后曰善擢黃門侍郎時議禁嶺南西戶不得蓄兵惟忠曰善為政者因其俗禁之得無擾乎乃止

鄭虔

荊陽人玄宗愛其才置廣文館以為博士居官貧約澹如也虔善圖山水好書嘗自寫其詩并

畫以獻帝大署其尾曰鄭虔三絕  
遷著作郎後貶台州司戶叅軍

鄭潛曜

滎陽人母代國長公主開元中主寢疾累三月不瘳面主疾侵刺血為書丐諸神請以身

代火書而神許二字獨不化翌日主愈戒  
左右無敢言後尚臨晉公主歷光祿卿

鄭珣瑜

滎澤人少孤躬耕養母為宋城尉累官同平章事性嚴重未嘗以私託人人亦不敢干以

私二子覃經術該深淳篤守正累官尚書左僕射朗累官中書門下平章事覃子喬綽峭立有父風仕至浙

東觀察使

鄭放

玄宗自擇刺史十一人放自太僕少卿出為定州刺史詔宰相諸王以上祖送洛濱放到官以

治最  
聞

鄭昉

玄宗時為郾城尉州刺史移職民之暴誓者遮道留昉誅殺六七十人採訪使奇之言狀擢北海

尉安祿山反縣民孫俊毆市人以應昉率眾擊殺之

鄭綱

字文明滎陽人幼有奇志善屬文所交皆名士擢進士宏詞高第憲宗時拜中書侍郎同平章

事以太子太保致仕綱守道寡慾世以耆德稱之

鄭餘慶

字居業綱從子少勤學善屬文大厯中舉進士貞元中拜同平章事餘慶砥名礪行不失

儒者之道清儉率素終始不渝四朝居宰相之位出入垂五十年其祿皆賑濟親急被貶復相

不避權幸  
卒謚曰貞

鄭幹

初名涵餘慶子第進士授右補闕敢言不諱憲宗謂餘慶曰幹卿之令子而朕之直臣也可更

相賀遷考功員外郎文宗立入為翰林侍講學士歷戶部尚書謚曰宣有文集制誥三十卷行世

鄭肅

字又敬滎陽人以儒世家學有根抵舉進士書拔萃累官平章事挺挺有大臣節與李德裕協

心輔政子洵仕至閬州刺史孫仁表豪爽有文累官起居郎

鄭仁表

肅孫豪爽有文仕唐為起居郎以門閥文章自尊曰天瑞有五色雲人瑞有鄭仁表

鄭敬晦

字日彰河東人賜進士及第辟山南東道節度府與馬曙聯舍於是帥不政法制陵頽曙

引大吏廷責之吏負兼軍職不引咎走訴諸府牙將且十輩方雜語以申吏枉晦讓諸將曰吏冒軍名公等不能詰反引與為伍奈何衆愧謝閤府咨美累擢諫議大夫

欽定四庫全書

漢劉續諸  
卷一百七

十一

鄭權

汴州人擢進士第佐涇原節度劉昌府穆宗立持節使為回鶻告哀使權識詣魁然有閎辨與可汗爭曲直持議明壯虜禮異之

鄭熏

字子溥擢進士第時數大赦階正議光祿大夫者得蔭一子門施戰熏却之不肯叙知舉引寒俊士類多之既老號所居為隱巖蒔松于庭號七松處士

鄭審丹

詩人

鄭朗

珣瑜子字有融遷右拾遺擢起居郎文宗與宰相議政適見朗執筆螭頭下謂曰向所論事亦記之乎朕將觀之朗曰臣執筆所書者史也帝悅謂宰相曰朗援故事不俾朕見起居注可謂善守職者弟潛字無悶亦登進士第

鄭史

字惟直宜春人開成元年進士為易學博士積官永州刺史有賦百篇又有詩十二首見宜陽

集子

啓谷

鄭愚

清河人家世殷富鶚儻布滿谿谷皆紉衣鼎食愚幼穎力學登開成進士第釋褐秘書省校書

郎累遷尚書郎咸通初為桂管觀察使所至廉察吏弊闔境肅然僖宗中和初命愚出鎮南海以撫綏功召拜尚書左僕射後三年愚薨無子詩文多散逸不傳僅見一二首則皆奇作也

鄭德本

瀛州刺史有治績與滄州薛大鼎冀州賈敦願齊名故河北稱為錦腳刺史

鄭至道

知天台縣為政寬簡專務教化民心悅服後扶滿邑民攀留不忍其行因留家松闕至今

有松闕留鄭故事

論民書七篇尚存

欽定四庫全書

萬姓統譜  
卷一百七

十一

鄭誠

字中虞閩縣人會昌中及第文筆峭絕累官國子司業刑部郎中郢安鄧三州刺史唐藝文志

載其有集同縣人林滋亦會昌中及第長於詞賦嘗為邊城曉角賦後王鐸闢為判官又有詹

雄者長於詩格高筆壯時稱誠文滋賦雄詩為閩中三絕

鄭亞

字子佐榮陽人元和十五年擢進士第又應賢良方正直言極諫制科吏部調選又以書判拔

萃數歲之內連中三科聰悟絕倫文章秀發李德裕在翰林亞以文干謁深知之出鎮浙西辟

為從事累屬家親人多忌嫉久之不調會昌初始入朝為監察御史累遷刑部郎中中丞李回

奏知雜遷諫議大夫給事中

鄭畋

字台文亞之子舉進士宣宗時為翰林學士詔書紛委畋思不淹畧成文粲然皆切機要累遷

同中書門下平章事  
終司徒太子太保

鄭裔綽宣宗時為  
諫議大夫

鄭傳祁門人乾符間黃巢兵亂歛傳率衆禦之境內  
獲全中和天祐累立平賊功秩至保義都指揮

使子五人  
皆歷顯仕

鄭谷字守愚宜春人七歲能詩光啓三年舉進士乾  
寧間以都官郎中退居荆門馬仰山嘗寓州治

南石隱士有白社已應無故老清江依舊遠孤  
城之句其詩清婉明白為薛能輩所稱賞詠鷓鴣

鷓鴣尤工世  
號鄭鷓鴣

鄭延昌餘慶孫延昌有文行  
累官戶部尚書拜相

鄭遨

字雲叟滑州人敏于文辭昭宗時舉進士見世亂乃隱于少室山其妻數以書勸還家遨輒投

于火後晉高祖以諫議大夫召不起賜號逍遙先生

鄭綮

字緼武榮陽人舉進士昭宗時累官中書門下平章事初綮善詩多俳諧時號鄭五歇後體及

為相立朝侃然無復故態既三月以太子少保致仕

鄭良士

字君夢仙遊人博學能文景福中獻詩五百篇授四門博士後遷御史中丞天復中弃官

歸隱于

白岳

鄭元璫

字德芳諡罷可汗兵數年始得還帝勞曰卿不辱於虜輩蘇張矣拜鴻臚卿突厥攻太原

詔元璫持節往勞既至虜以不信咎中國元璫隨闕無所屈太宗賜書曰知公口伐可汗

如刃遂使邊火息燧朕  
何惜金石賜於公哉

鄭從讜

字正求幹子會昌中登進士第進門下侍郎  
沙陀都督李國昌擾邊朝廷以為憂乃拜從

讜為節度兼招討使自擇參佐皆一時選士人  
比太原為小朝廷言得才多也時鄭畋以宰相

鎮鳳翔移檄討賊兩人以忠義相持賊尤憚  
之號二鄭云歷司空司徒拜侍中諡曰文忠

鄭覃

珣瑜子以父蔭補弘文校理歷諫議大夫遷御  
史中丞文宗時坐延英論詩工否覃曰孔子所

刪三百篇其非雅正者烏足為天子道哉覃長  
於經學稽古守正帝甚重之清苦自持不造次

與人款洽位至相國所居  
未嘗增飾人皆仰其素風

鄭雲達

滎陽人大厯初舉進士性果誕敢言客遊兩  
河以畫干於朱泚泚悅乃表為節度掌書記

檢校祠部員外郎仍以弟滔女妻之。此將入覲，先令雲達入奏及此。至京，以事怒雲達，奏貶莫州參軍。滔代此後，請為判官。滔助田悅為逆，雲達論之不從，遂弃妻子，馳歸長安。帝嘉其來留，以客省超拜諫議大夫，奉天之難，雲達奔赴行在。李晟以為行軍司馬，戎畧多以咨之。歷秘書

少監

鄭顥

餘慶孫，登進士第，結綬弘文館校書。遷右拾遺，內供奉，詔授銀青光祿大夫，遷起居郎。尚宣宗女萬壽公主，拜駙馬都尉，歷尚書郎，給事中，禮部侍郎，典貢士。二年，振拔滯才，至今稱之。遷刑部吏部侍郎。大中十三年，檢校禮部尚書，河南尹。顥居戚里有器度，大中時恩澤無對。

鄭元

舉進士第，累遷御史中丞。貞元中，為河中節度使，杜確行軍司馬，確卒，遂繼為節度使，入拜尚

書左丞元和二年轉戶部侍郎兼御史大夫判  
度支三年春遷刑部尚書兼京兆尹九月復判  
度支依前刑部尚書兼御史大夫元性嚴毅有  
威斷更踐劇任時稱其能元和四年以疾辭職  
守本官  
逾月卒

鄭處誨

字延美餘慶子於昆仲間文章拔秀早為士  
友所推太和八年登進士第釋褐祕府轉監

察拾遺尚書郎給事中累遷工部刑部侍郎出  
為越州刺史浙東觀察使檢校刑部尚書汴州  
刺史宣武軍節  
度觀察等使

鄭世翼

滎陽人世為著姓祖敬德周儀同大將軍父  
機司武中士世翼弱冠有盛名武德中歷萬

年承揚州錄事參軍數以言詞忤物稱為輕薄  
時崔信明自謂文章獨步多所凌轢世翼遇諸

江中謂之曰嘗聞楓落吳江冷信明欣然示百餘篇世翼覽之未終曰所見不如所聞投之於

江信明不能對擁襪而去世翼貞觀中坐怨謗配流雋州卒

五代鄭元弼

仙遊人良士之子初仕閩王昶為禮部員外郎奉使南唐後仕曦為諫議大夫曦嘗欲杖

御史中丞劉贊贊將自殺元弼諫曰古者刑不上大夫中丞不宜加箠楚曦釋之加禮部尚書判三司嘗以掃除不平為事及朱文進殺曦自立元弼抗辭不屈黜歸田里

鄭仁誨

晉陽人初事唐將陳紹光紹光醉怒欲殺之仁誨植立不動紹光曰汝有器量非吾所及

也周太宗每事有疑即從質問仁誨謙謹好禮不事祿伐為士大夫所稱世宗攻河東仁誨留守東都

宋

鄭良

德安人善果孫克承家訓而樂道不仕最精于地理其後子孫繁衍名著譜牒者六十家

鄭文寶

字仲玉寧化人太平興國中進士累官工部侍郎嘗題維氏山云秋陰漠漠秋雲輕維氏

山頭月正明帝子西飛仙取逝不知何處夜吹笙又題綠野堂云水暖鳬鷺行哺子溪深桃李

臥開花歐陽修稱其不減于王摩詰杜少陵

鄭建中

其先本雍人五季時徙安陸貲銀鉅萬城中居人多客舍每大雨則載瓦以行間有屋漏

則補之若客自為亦為繕完又隆冬苦寒蠲舍

錢盈月建中晚得子紆登進士第官至祠曹侍

郎有五子長曰彌中官至朝奉大夫次則毅夫

皇祐五年魁天下官至侍讀三子與孫皆任以

官不錄選調

世祿不絕

鄭褒

字成之應進士舉至輦下會詔罷去遇王元之留褒俟秋而行褒曰褒有老母向之去數十里

別數百日者欲干名以顯親故雖遠且久若在母左右今詔下將及閨吾母必計程以待遲一

日即貽母憂元之曰生有純孝足警世之為人子者後登咸平第判福州以便侍養

鄭昇

字元舉僊遊人登皇祐初進士試秘書省校書郎蒞官有能聲昇自少刻苦問學于書無所不

讀而尤深於易春秋皆嘗有著述以發其疑義詩文工緻可觀俱有稿藏于家

鄭伯玉

字寶臣露之後八歲時叔父殿中丞試之曰伐木斧聲聞谷口隨答曰過橋旗影映波心

叔父奇之景祐元年第進士授將仕郎試秘書省校書郎淮南節度掌書記七年改大理司直充撫州觀察推官韓魏公薦為殿中侍御史為人峭直不屈權貴好為詩所作有三百餘篇名

曰錦囊集時人以與陳著作琪方提  
舉孝寧詩類為一集號烏山三賢

鄭榮

字光遠壽昌人幼聰敏有才思力學不厭七歲  
能綴文登天禧三年進士第天聖初奉使契丹  
嚴毅威重敵深敬憚之使回真宗曰使於四方  
不辱君命今見其人矣授崇寧令丁父憂服闋  
起知衡之西安廉能才幹深得民心

鄭洙

字教生候官人景祐間擢三禮科仕至虞部郎  
中致仕號東山先生初洙赴舉時陳襄送之以  
詩有曰榮陽才子東山客滿腹精神太英特談  
文詞藻駕曹王擲地聲華壓元白蓋其未仕時  
已見重於士林  
矣卒祠于學

鄭戩

字天休吳縣人舉進士以右正言知制誥代范  
仲淹為陝西經畧安撫招討使料敵致勝出入

意表趙元昊畏憚之累官至吏部侍郎  
拜奉國軍節度使卒贈太尉諡文肅

鄭僅

字彥能彭城人第進士為大名府司戶叅軍歷  
知冠福昌所至有善政盜賊相戒不入境累官

吏部侍郎知徐州遷至顯謨閣直學士卒  
諡修敏子望之少有文名官至戶部侍郎

鄭向

字公明陳留人舉進士甲科為大理評事累遷  
龍圖閣直學士知杭州卒五代亂亡史冊多漏

失向著開皇紀三十卷  
撫拾遺事頗有補焉

鄭獬

字毅夫安陸人少負俊才詞章豪偉仁宗重選  
士廷試考定焚香祝天曰願得忠孝狀元已而

得獬初通判陳州入直集賢院英宗即位獬言  
陛下初臨御願申詔中外許令盡言有可采錄  
召與之對必能有益治道神宗初拜  
翰林學士以不奉新法出知青州

鄭雍

字公肅襄邑人登進士甲科累官御史中丞以資政殿學士知陳州徙北京留守坐元祐黨奪

職知鄭州政和中

復資政殿學士

鄭時

諡孫字是翁少苦學登進士知當塗縣律身清謹政尚寬厚民皆得其歡心官至朝奉大夫時

嗜書老而篤勤自左氏史漢三國南北至諸名家文集手事編錄邦人推重從游甚衆所指授

輒為  
名人

鄭穆

字閑中候官人性醇謹好學進退容止必以禮舉進士累官至寶文閣待制國子祭酒神宗嘗

稱其德行宜左右王者年七十力求去太學生數千人請留不從

鄭俠

字介夫福清人熙寧間監安上門時久不雨飢民流離于道俠繪圖以獻神宗觀覽長吁數四

蠲放新法凡十八事越三日大雨使以忠勁竟為小人所害屏逐終身

鄭景平

吳人字晞尹熙寧進士剛正不撓居官廉介知饒州數月拂衣歸或問故答曰天子命景

平為郡當以撫字為職今日須金若干明日須粟若干民已枯骨矣安得不歸時多附朱勳獨

景終始不阿

鄭少微

華陽人字明舉少孤力學元祐進士時蘇軾知貢舉得少微與古郾楊天惠三喁李新時

人號為三雋宣和間上書論時政坐廢貧無田宅寓宅金繩院十五年不屈其志學益古文益

工後徙居臨邛自號木鴈居士官至朝請郎

鄭修

蓬州人年七歲日誦萬言游太學登元祐進士知梁州軍祿有餘悉為小民代輸未及引年薨

然而歸所居結茅扁曰  
飯牛庵卒年八十七

鄭銓

字應權宜春人學通于六經工大字長於詩宣  
和間兩貢上舍不偶棄歸學者踵門日衆建炎  
三年金人犯江西銓上書知州事王仲嶷言時  
事責其守城著排姦黨說極論崇寧人才之弊  
年八十卒又嘗號應  
菴學者稱應菴先生

鄭敦義

真陽人知潮陽縣官市黃牛革峻急乃上書  
言黃牛善耕農視之如子哲宗下令止之徽  
宗即位上書陳成周所以長久者在于得民心  
暴秦所以短促者在于失民心詔遷一階為來

勸者

鄭叔豹

福清人元祐間上兵器圖宗祀書明堂制度  
及酌享冕服之儀數卷凡叔熊亦好談兵王

安石有詩  
送之歸閩

鄭驥

字潛翁河南人登進士歷慶汝鄭秦四州推官累遷天章閣待制知鳳翔府以工部郎中知華州為政愛民謙已利物推功與人有古道焉

鄭覃

字李厚鄆縣人靖康中貢于鄉建炎四年春金人陷朗州覃與兄章避難山谷俱被執既而見釋金人相屬覃謂兄曰萬一不得脫覃豈事異國者未幾又被劫去覃罵不屈躍入水中妻董哭曰夫亡矣與其受辱以生不如死亦自沉

鄭穀

字致剛建安人政和中進士授安陸教授建炎中為右司諫高宗時苗劉作亂穀面折二凶拜御史中丞密遣人見張浚等具言城中事復辟之功穀有力焉累遷僉書樞密院事

鄭居中

字達夫開封人登進士第累官知樞密院加少師三封國公卒追封華原郡王諡文正徽

宗時蔡京數勸攻契丹居中力陳不可謂京曰使百萬生靈肝腦塗地公實為之由是議寢

鄭立中

字從之長汀人有節操謀略政和五年進士調崇安尉時方臘餘黨寇閩立中部民修分

水寨堅壁以守賊恃衆衝突立中出賊不意擊敗走之閩人賴之以安諸司列奏改承奉郎知海門縣未赴金人南侵擢行軍總管奉使募福建民兵得數千人轉而前收復光蔡等州因守蔡金人再犯遂被害特贈朝散郎官其子穆紹熙中襲表節義再官其孫岫縣令陳顯伯建道學六君子祠于邑庠獨以立中及楊方配食

鄭柟

龍溪人初從鄭建雄赴大理河與西夏接戰以功授汀州黃土寨巡檢捕獲王猪奴辟閩

告子寨巡檢宣和七年金人侵邊栲赴樞密院  
自陳乞發河北軍前使再隸建雄麾下克本  
軍將領累立戰功轉修武郎靖康初金逼都城  
栲為四門都巡檢力戰以死紹興初劉光世為

請于朝補其  
子論承信郎

鄭濟

字輿梁露之後未冠遊太學文藝穎拔第元豐  
間進士調湖州司理就移端溪令秩滿知山陽  
縣入為太常博士禮文一新大觀初擢兵部員  
外郎逾年權吏部有選人應改官吏舞文沮格  
不行濟奏請特與改秩以蒞事詳明書考上等  
中丞石豫蔡京客也欲薦之臺職濟力辭居郎  
官不遷者四年政和初除衛尉少卿三年出知  
海州境接陳宿盜賊滿藪濟推行保伍之法道  
無拾遺召赴闕除提點荆湖南路刑獄陞辭徽  
宗曰湖湘多盜賊卿以何道處之濟以元豐保

伍為對上曰神考此法正為盜賊設也卿其勉之濟至湖湘力推行之盜賊屏息受代赴闕上慰勞甚厚除知泉州尋得祠請致仕

鄭闕

字漢章金華人自號北山登進士甲科累官四川宣撫使以不進金忤秦檜落職徙封州卒檜死朝廷盡復其官諡忠愍所著有北山集周易窺餘諸書

鄭穀

字致遠建安人父鎮穀初就學能知聖人之道在中庸其父奇之既冠入太學所為文不尚時好執父喪有籲天止火之異第進士調御史臺主簿以秘書郎守臨江遂丐祠歸

鄭樵

莆田人博學強記搜奇訪古遇藏書家必借留讀盡乃去過目不忘凡經史禮樂天文地理蟲魚草木方書之學皆有論辯紹興中以薦召對授樞密院編修所著書凡五十八部有通志畧

行世嘗居夾漈山

學者稱夾漈先生

鄭厚

字景常樵弟工文詞自成一家尤長于易紹興中以詞賦中南省第一官至昭信軍節度推官

學者稱為

鄉湘先生

鄭振

字亨叔仙遊人建炎中盜揚勅起縣令檄振集民兵禦之紹興癸亥曾少龍等衆至數萬監司

檄振行盜素聞其名不戰自屈丙寅詹鐵义

入振井里振帥衆拒之殺數十人遂遇害

鄭鏐

字則中鄞人由福建徙鄞躬孝友之行貫通經史以詞賦名于時後學多宗焉登紹興進士第

仕至屯田郎寧宗在英邸兼小學教授

嘗進勸戒元龜後特加贈官其子沆

鄭仲熊

字行可高安人舉進士為右正言累官叅知政事時秦檜專國誣搆趙令衿謗訕欲加重

典上猶豫未決檜引仲熊上前助已檜對上言  
鄭仲熊與令衿同里備知其惡陛下試叩之上  
顧仲熊正笏却立徐對曰臣雖與之同鄉里素  
不識其人檜失色衿遂得免死檜下殿忿色相  
誚乃諷言者劾仲熊與令衿為密友故為之掩  
覆章上仲熊待罪于外上差中使宣留檜恚益  
甚復俾臺諫交攻之仲熊既被宣留之旨翌日  
復赴朝至待漏院檜侵以不遜語至自擬桓溫  
仲熊遂力祈退避以原職奉祠

孝宗即位復端明殿學士致仕

**鄭强**

字南美長樂人紹興二年知州事始至郡視廟  
學荒圯已甚慨然有更築意會有詔葺學宮即

日度地建於州東計傭慮材不擾而集且市膏  
腴田以增餼廩擇師儒以嚴課程諄復教訓於  
是升堂者數倍疇昔越三年登進士  
第者四人後立祠稽古閣下祀之

鄭伯熊

字景望永嘉人德行夙成經學尤邃紹興十五年登第歷黃岩尉婺州司戶隆興初召試

正字除太常博士出為福建提舉魏王判宣州南面坐受屬吏進謁幕府進劄子亦坐而可否之及伯熊除府司馬遂以劄子開說謙德末光嫌疑之際或駭觀聽除吏部郎郎兼太子侍讀宗正少卿以直龍圖閣知寧國府諡文肅伯熊自為館職不自陳年勞以求唐勣紹興末伊洛之學稍息學者復於伯熊得之有六經口義拾遺有贅語若干卷記聞若干卷前輩楷模及時人美惡凡涉理道者畢載由是永嘉之學宗鄭氏

鄭自誠

字性之戊辰廷試第一為著作佐郎出守素州政先撫字飾以儒雅一月兩詣學講說民

有難阮多方調卹將滿召赴行在民惜其去攀戀塞途拜右司郎中

鄭耕老

字穀叔少負才學登紹興間進士第主懷安縣簿母喪調温州法曹改明州教授四明自

金人南侵之後學陋教弛耕老營學區為講說  
科舉之外者侍從多以通經術薦召見奏言太  
祖嘗問趙普曰天下何物最大曰道理最大知  
道理為大則必不以私意而失公中孝宗悅親  
擢國子監主簿滿秩徑歸南陂素厭聲律浮靡  
讀詩易庸範語孟味其深微皆有訓釋營利澹  
如無意宦進  
卒年八十五

鄭昭先

字景紹閩縣人初主浦城簿嘆曰僥倖一第  
問學未悉遂遊朱文公之門遷知歸安邑民

愛之累官知樞密院事  
兼叅知政事進右丞相

鄭綺

浦江人通春秋事親極孝父照繫獄當死綺上  
書請代事遂白母張病瘳抱持若嬰兒三十年

不解綺臨沒歎血誓言子孫毋分財異爨  
乾道間賜號冲素處士子孫世守其教

鄭德珪

珪四世孫德珪與弟德璋孝友天至晝則聯  
几夜則同衾德璋與物多迂仇家陷以死罪

當會建揚州德珪哀弟之見誣乃陽謂曰彼欲  
害吾何預爾事我往則姦狀白即治行德璋追  
至諸暨道中兄弟相持頓足哭爭欲就死德珪  
紿以無往夜半間道逸去德璋復追至廣陵德  
珪已斃於獄德璋恸絕數四胔骨歸  
葬廬墓每一悲號烏鳥皆翔集不食

鄭案

不知何郡人歷殿中侍御史奏劾王璿龔江先  
胡清獻錫扶罷祠皆從之遷侍御史疏言比年  
以來舊章寢廢名器之輕莫此為甚夫事變無  
窮而名器有限使名器常重於上則人心不敢  
輕視於下非才而罔功者不得邀幸於其間則  
負慷慨之氣懷功名之願者陛下始可得而鼓

舞之矣遷左諫大夫淳祐七年  
拜端明殿學士同僉書樞密院

**鄭汝諧**

字舜舉青田人累官知信州孝宗褒之曰鄭汝諧威而能惠召為考功郎累陞徽猷閣待

制自號東谷居士著易  
傳論語意源及東谷集

**鄭格**

字廸民福清人少穎悟博聞強記時號書厨淳熙中進士歷建寧司理有清操改知攸縣囊無

餘財二子堅堡皆  
博學清介世其家

**鄭邦彥**

字國材樂清人學綜經籍政和初入京學月書連五占魁選聲名籍甚解褐授滄州教官

再授台州教官不赴席參政益帥湖南辟為內幕趙相鼎當國益薦之甚力遂與婺州教官

士講肄暮年

士子皆有矜式

鄭伯英

字景英剛毅果決論事駿發隆興廷對四人調秀州判官俄歸印綬歸養三十年其學優

於經濟見義必為鄉里利病倡率與除不遂其志不止也

鄭伯海

字彥先紹興辛未登第授海門尉歷浦城丞知南昌縣除知英德府避朝有辭不就除澄

海制置司參議尋攝制置使卒于官伯海持身廉慎家居立義塾延師訓生徒五百餘人

其里曰學堂前所居路文肅公百餘步時人稱為東西二鄭云

鄭僑

字惠叔少有大志初上禮部為舉首與兄萬同升乾道五年廷試有司奏僑策第二孝宗覽而

異之擢第一除著作郎兼國史實錄院屬官吏部司封介然靜重自守不一至執政之門以左氏春秋侍講東宮為陳大義而閑

君子小人之際歷官叅知政事僑不市恩

不干譽不立黨不私好惡欲以清淨和平輔天子玄默之治歷知樞密院事懇以疾辭寧宗屢次慰留之尋以觀文殿大學士致仕卒僑孝友端重簡淡無欲平生所為皆有常德故令名大節為世所重受知

三朝見稱忠賞

鄭公

顯

字隱之龍溪人乾道中第進士調建州司戶

扶滿造朝獻時事十論除潮州教授改知同安縣召監進奏院遷宗正簿應詔進三說謂指陳大政而毋撫細故直書事實而毋尚繁文此其二在大臣其詞簡其事核然後得以親覽而審擇之此其一在陛下除太府寺丞兼教令所刪定官進權刑部郎官兼直學士院公顯問學淵源廟堂表制多出其手

鄭昭叔

字顯仲寧德人朱文公守漳州朝廷欲行經界之法乃取昭叔知仙遊日經界次第申諸

司乞上之朝省下之屬部使按差官吏有所取  
法且曰昭叔致仕家居老壽康寧九十六歲而  
終亦其誠心  
愛民之報也

鄭師孟

字齊卿寧德人家貧力學六經註疏手自抄  
錄受業於朱文公之門勉齊黃幹嘉其志遂

妻以女嘗著洪範講義以發  
明文公皇極辨之蘊號存齋

鄭居津

字知要河南人高宗南渡仕浙東路提舉居  
津性鯁直在官遇時政有不便者輒抗疏論

之不便艱險卒黃幹嘗祭之以文曰職  
司提舉惠及困民封章兩上可謂賢臣

鄭興裔

字光錫開封人乾道間為福建路兵馬鈐轄  
過關入見詢以守令臧否興裔條析以對帝

曰卿識時務習吏事行且用卿會復置武臣提  
刑就命為之闕  
檢驗法廢興裔劾為格

目分界屬縣吏不得  
行其奸因著為令

鄭鑑

附

江人乾道間開

龔茂

良曰鄭鑑議論甚切遂召試館職對策論大臣  
權倖除檢書郎遷著作郎權郎官屢引對言時  
政時相惡之遂屢丐外出知台州陞辭劄凡十  
上上為之改容及辭東宮太子語之曰前後講  
論無如侍講  
切直後卒

鄭湜

字溥之閩縣人光宗即位為秘書郎因轉對首  
乞盡事親之道以全帝王之大孝慶元初權直  
學士院時趙汝愚罷相去知福州湜草  
制坐無貶辭免後偽學黨卒諡文肅

鄭清之

字德源單之孫少從樓昉學嘉泰中進士理  
宗潛邸教授凡四登相位端平間召用正人

多清之力累遷太傅保定軍節度使封齊國公致仕卒追封魏郡王諡忠定所著有安晚集

六十卷

鄭應龍

字少慈長沙人慶元中登第後試律中首選調潭州理掾麗控犴者以理開諭皆得其情

雖徧黜他州者亦辭謝而去有兵士盜帥金下獄株連數人皆坐流應龍力爭帥意未解應龍曰若使罪及無辜有去官而已帥嘆曰其人若不勝衣乃能執法如此

鄭南升

字文振潮陽人晦翁門人也篤志力學尤潛心于語孟有質疑晦翁皆答之詳語錄中所

問百餘條多為晦翁所取晦翁稱之曰看文字須以鄭文振為法又云渠今退去心中却無疑也一時同門者皆尊禮之

鄭勳

字景周嘉泰二年進士知博羅縣將改扶熊喬部下同戍卒焚掠惠城直抵其邑邑人驚遁或勸勳避其鋒勳曰吾去如百姓何正衣冠坐廳事以待之寇至諭以禍福不聽賊首迫以白刃勳不為動罵賊不絕口遂死之贈朝奉郎官其一子

鄭可學

字子上露之後少孤貧由鄉薦兩浙漕試再貢禮部皆不利道武夷見朱文公從學自以稟性卞急於懲忿工夫尤力久之最稱得文公精要文公守臨漳賓禮可學以教其子弟晚年刪定大學一編曰此書欲付得人惟子上足以當之前後十奉大對嘉定四年始授忠州文學所著有春秋博議

鄭起潛

字子升吳縣人少孤篤志力學舉進士累官中書起居舍人轉直學士權兵部尚書

欽定四庫全書

萬姓統譜  
卷一百七

二十六

鄭穎

字茂叔壽昌人嘉定間登第為理官執法平允時相開邊薦參謀官知政事穎抗論政府非賞

功之地命遂寢出守嘉興歸闈一室號志齋

鄭性之

名自誠閩清人嘉定四年進士第一嘗以虛心納善勸于上終知樞密院事兼參知政事

觀文殿學士有端平奏議及與陳均同脩宋編年備要

鄭汝岡

字山甫括蒼人以父蔭為金華令歷守衢婺二州一以簡靜為治入朝為吏部侍郎紹定

六年劄冠猖獗聲撼永嘉邑羅告竭汝岡移書廟堂通浙東港禁及置惠民倉民感其德相率

繪像祀之

鄭彥

字季英壽昌人治春秋通史傳淳祐中第進士乙科擢崇陽尉再任青田丞秩滿除真州司戶

其居官以誠愛為本所至勸農勉學因民之所利以予之力不煩而功倍獄有淹者亟鞠出之民樂其化有不克婚葬者輒助給之召授宣議郎授國子監丞卒

鄭良臣

福州人淳祐初任潮舊有白丁錢催科者據籍取辦雖有遷徙物故不為除豁公私交病

焉良臣易籍更編民賴以安增置田稅於學及韓山書院以為養士費盖有功於士民者

鄭公玉

字潤甫古田人紹定間舉進士官終朝請郎潭州通判善評品人材尤好獎拔後進詩文

亦工蒞官臨民萬然有仁政

鄭可復

字彥修兩薦鄉試嘉定間登進士調東岡縣尉縣人喬行簡方處要路族黨恃勢抗法可

復屹然守正不少屈行簡深器之授婺州教授官至朝奉郎可復性儉朴他無所嗜好惟喜古

書嘗脩爾雅及刊戴氏禮祿俸餘貲悉以市書手自編錄晚年積至數千卷

鄭至果

字子剛晉江人嘉定十六年進士授福清尉丁內艱有芝產于墳調永福丞連帥聞能治

劇檄攝閩與永福二邑皆治修學宮造輿梁民生祠之改知梅州州屢易官百凡廢墜至果閱實修舉百廢具興擒兇盜即梟之首境賴以安

鄭輪

字景行德化人嘉泰壬戌進士尉保昌獲強盜不肯論賞曰人命可易官乎為龍南令邑上鄉

隣山峒民舊不輸租一日數十人長鎗聚錢而至吏驚怪詰之曰聞有好長官願為王民扶終民遮留之辟

知循州卒

鄭思忱

字景千嘉定中登第為新興令除遺利錢三百萬知崇安縣復均惠倉以私羅面錢市糶

實之後知南恩州辟浙東帥府參議官雷變上封言士溺苞苴習久難化民坐困且盜宜去貪

卹人節用蓄力

除監登聞檢院

鄭若冲

字季真鄞人少失怙恃育於伯父章未總角已奇之稍長力學恥為舉子語與同里汪大

猷陳居仁樓鑰同筆硯相厚善後三人即貴顯未嘗一造其門自置書塾聚書數千卷延師訓子雖卧病不廢書平居謹飾雖盛暑衣不露體冠履雖敝無垢口絕戲言坐不傾側接後進如敵已與人交恐傷其意至於明是非辨義理雖片辭不少貸學者嚴憚焉

鄭鼎新

字中實先世自建之浦城遷于僊遊以太學生登嘉定十六年進士知晉江縣建問政堂

輯論語繫于政者二十四章書于壁以便省覽又建縣學文宣王廟開一堂扁以尊道時真德

秀守泉頗敬重之邑民相與立生祠于紫澤宮尋通判處州累直朝奉郎鼎新少受業於黃幹

之門答問甚詳當考究禮書成編名曰禮學舉要又撰禮學從宜一集

鄭申之

字惟任福州人乾道中進士官至國子助教朱文公避學禁來邑時嘗從文公學教授于

鄉從遊者衆立文行忠信四齋以處之文公扁其所居樓曰聚遠

鄭寅

字子敬樞相僑之子也寅以父任補官歷知吉州召對言濟邸冤狀指斥權臣端平初召為左

司郎中兼權樞院副都承旨又請為濟邸立廟且言三邊無備宿患未除宜正綱紀抑僥倖裁監賞汰冗兵以張國勢竟以執法守正出知漳州卒寅靜重博洽藏書數萬卷

鄭琚

字伯閏壽昌人性明敏輕財好施淳祐間登進士乙科授登仕郎景定中為金華尉蒞事詳審

以能稱咸淳十年遷安吉州司理  
參軍推情治獄民無冤濫以疾辭

鄭壽

字伯壽穎之子以父任補官通春秋領漕薦除  
大理評事時權相嫉邊守王惟中勲名下理寺

誣致於死壽遵父命不屈法遂以忤歸景定間  
朝議高其節起為大理寺正出守古括蕭然儒  
素除刑部郎中遷軍器少監倣范  
文正公義田置仁壽庄以贖宗族

鄭樸翁

字宗仁平陽人弱冠入太學咸淳十年賜上  
舍釋褐歷福州教授尋除國子正宋亡諸陵

被發與友人林景熙謀間行拾之事見景熙志  
中既而歸隱鄉山瀑下山陰王英孫特延賓館  
教授子第二十餘年後

以病遂返竟卒于家

鄭虎臣

德祐初為會稽縣尉時三學生及臺諫侍從  
皆上疏乞誅賈似道詔責授似道高州團練

副使循州安置遣虎臣監押之貶所虎臣以其父嘗為似道所破欣然請行似道時寓建寧開元寺侍宴尚數十人虎臣悉屏去暴似道行秋日中令輿夫唱杭州歌謠之每名叱似道寃辱備至似道知不免遂自服毒虎臣曰好教汝恁自為之掇數下而絕

鄭獻翁

字帝臣伯玉之裔也少從鄉先生黃績學嘗與朋儕私自較藝一日作三十餘論第咸淳

初進士終漳州推官至元改物故官例起叙用而獻翁以老病免為人訟達表裏洞然偉容貌眉目疎秀鬚長至腹見者拭目

鄭伯淵

號秋浦羅源人淳祐中為鄉先生邑青衿半出其門性好義鄉有急雖暮夜必往不顧利

害咸淳六年邑大旱伯淵時年已七十餘躬履險阻至福源潭為民祈禱翌日大雨如注明年

又旱亦如之邑有三溪歲久中溪壅塞水無所  
洩邑人以為患伯淵捐金發粟協衆力濬之溪  
流復舊居  
民感其德

鄭曾子

字子可晉江人弱冠有文聲咸淳甲戌試兩  
浙寓太學景炎丙子隨蹕三山銓中以廸功  
郎為潮州司法未行泉州降元元左丞蒲壽庚  
薦授武畧將軍梅州路治中不就曾子孝友嗜  
義持論能公是非大丈夫士遇  
疑事多請質焉自號唯齋

鄭儀孫

建安人號翠屏從立富國學易咸淳癸酉應  
賢舉又明年少帝北行儀孫退而著書易圖

說羣解大學中庸章句史學蒙求箋註性  
理字訓郡守吳棻率僚屬迎于學師事之

鄭君老

字邦壽長溪人登咸淳四年陳文龍榜進士  
乞歸養親連丁內外艱未起而宋祚已告終

矣元初知君老者交薦于朝徵書旁午竟不起  
喪亂之後獨立乳乳而學益篤守益固鄉後進  
多宗師之卒學者私諡之曰靖節  
先生所著有五經解疑梅壑集

### 鄭所南

一名思肖連江人以太學上舍應博學宏詞  
科剛介有志操會元兵南下所南嘗叩闕上

書元人爭目之遂變今名曰所示不忘趙氏也  
曰南示不復北面他姓也隱居吳下坐必南向  
歲時伏臘輒望南野哭再拜乃返誓不與朝客  
交往或于朋友坐上見有語音異者即引去人  
知其捐潔亦弗  
為怪後以壽終

### 鄭奕夫

字景允鄞人丞相清之曾孫也幼穎悟絕人  
動止中矩度潛心性理講學績文克守清白

嘗為慈谿麗水常山三縣教諭調徽州紫陽書  
院山長陞淳梁州教授所著有論語本義中庸

大學章句衍桂堂集若

干卷稱為習齋先生

元

鄭滁孫

字景融處州人宋景定間進士知樂清縣至元末以薦召見累官集賢學士致仕歸所著

有大易法象通贊

周易記玩等書

鄭文嗣

字紹卿浦江人十世同居凡二百四十餘年一錢尺帛不敢私至大間表其門文嗣歿從

弟太和繼主家事益嚴而有恩家庭中凜然如公府歲時太和坐堂上羣從子皆衣冠鴈行立左序下以次拜跪捧觴上壽畢肅容拱手自右趨出足武相銜無散叅差見者嗟慕謂有三代遺風狀聞復其家部使者余闕為書東浙第一家

鄭陶孫

字景陶滁孫弟宋進士監西嶽祠伯祖徵至闕授翰林國史院編修官會纂修國史至宋

德祐末年事陶孫曰臣嘗仕宋宋是年亡義不忍書世祖嘉之陞應奉翰林文字出為江西儒學提舉所著有文集

鄭玉

歙縣人博究六經尤邃春秋教授于鄉至正間徵不起日以著述為事本朝兵至守將欲致之

玉曰吾既不得懷慨殺身以勵風俗猶當從容就死以全節明日衣冠自縊而死

鄭介夫

開化人號鐵柱性剛直敢言著韻海至大間上太平策一綱二十目頗行其言仕終金谿

縣丞

鄭安

字子寧歙人宋亡之二年李世達叛富珠哩駐兵將屠焚城邑民無所逃安曰宋亡矣使民命

盡減于干戈可乎乃杖策伏軍門言曰將軍將弔民止亂忍殃民倡亂耶生民何罪陷此兵刃

也許之使安宰歛邑以服衆心安邑事  
一以撫教百姓鄉人感德立祠祀之

鄭松

字特立樂安人以邵子經世書止於周顯德乃  
自庚申宋興至甲午金亡為續其二百七十五

年書法視昔尤謹松入元隱居布水谷二十年  
於凡古今因革聖賢心迹有所疑悉就吳文正

細商之不以  
革行自居

鄭潛

懷安人至正中為海北廉訪司副使晚居鄉邑  
買田建義學以教育後進又於縣西南立白苗

陽岐二渡買田以給操舟者之食  
人利之至今有石刻曰鄭公渡

明

鄭亨

合肥人洪武中歷任武職以功  
封武安侯出鎮山西邊寇遁跡

鄭遇春

濠人與兄遇霖來附甲午從取滁鐵佛岡三  
汊河大柳樹諸寨為先鋒克和陽渡江拔采

欽定四庫全書

卷一百七

石太平授總管攻蕪湖遇霖死遇春領其兵從  
征取溧水破方山營定金陵解圍牛塘取宣州  
陞左翼元帥從克揚州婺州再擊敗友諒兵下  
黃梅南昌大戰禁江口殲友諒平武昌下淮安  
取安豐潁六安陞六安衛指揮僉事留守征中  
原下邳洛陞朔州衛指揮副使進都督僉事洪  
武三年封萊陽侯食  
祿九百石與世券

鄭閔

嘉定人精易學洪武初舉授禮部郎中以病告  
歸而郡邑之學易者多出其門永樂間嘗典湖

廣福建文衛所著  
有味易餘吟集

鄭濂

浦江人大和之孫與弟湜俱以義聞洪武初召  
見慰諭甚至問以治家長久之道濂等以謹守  
家法對深見嘉獎除湜福建參議其家僮施慶  
者親喪哀泣不輟亦三年不御酒肉君子謂濡

染所  
致

鄭沂

浦江人洪武末以人才起至京師召見以其家孝義聞天下即授禮部尚書尋以老致仕

鄭真

慈谿人博極羣書在鄉里恂恂然不以才藝矜人嘗取諸家格言著為集傳集說集論洪武初

試浙闈居首選授廣信府教授蒙陽外史

鄭士利

字好義寧海人上言空印事上大怒詔丞相究問誰教若為士利笑曰顧吾書可用與否

何如耳自分受禍人誰為我謀詞卒不屈

鄭本忠

鄭縣人自號安分生以明經舉為泰府教授本忠問學純正言行敦卓有安分集藏于家

子復言雍言俱登進士第雍言官至太常少卿

鄭濟

浦江人洪武中以東宮官屬久闕人命廷臣舉孝廉節義之士廷臣以浦江鄭氏對上曰鄭氏知之素矣其里人王氏規倣鄭氏家法皆可選用乃徵兩家子弟詣闕以鄭濟為左春坊左庶

子王懃為右春坊右庶

子餘皆給道里費遣歸

鄭賜

字彥嘉甌寧人洪武乙丑進士任北平布政司叅議謹厚有為其善政民稱之不置永樂中進

工部尚書諡文安為人深沉敦厚恢廓有容學士解縉嘗於上前稱其足為君子

鄭敏

洪武間齊東知縣恤民勤政賦役均平後以事逮至京縣民詣闕言敏廉勤有守民懷其惠朝廷復其官仍賜楮幣五百衣三襲

鄭湜

字仲持浦江人洪武中有誣其家交通賊寇者禍不可測湜與其兄濂爭下獄太祖聞之召見

慰諭甚至拜提為福建布政司左叅議闕

民稔聞其事親相戒勿犯豪將闕民者提與之

爭可否亦帖帖服南靖縣民為亂誣誤者數千人部曲多掠其婦女為婢提言於諸將悉縱遣

之有商為盜所殺盜既獲以無屍可驗不服提夜取盜鞫訊因縛置于庭而匿吏案下俾聽其

私語果得其藏屍之處閩人以為神

### 鄭剛

南陽人天資英邁質直無為家貧嗜學洪武中釋褐胄監署廣西布政使事累官工部右侍郎

恭慎小心為時所重持節巡視江淮卒于官洪熙初贈工部尚書制稱其資稟純實蹈履清慎

夷險之際

一心不渝

### 鄭駒

字千里鄞人持身修潔未嘗迹公卿門為文溫潤縝密洪武初聘為郡庠訓導陞義烏教諭以

道淑人時宋濂自翰林歸里第見即珍重以賓禮遇之卒于官

鄭子夔

名倫號環谷榮祿人元湖東廉使國初應秀才詔授鎮江參謀上器之命主帥哈勒碑曰聽

其謀議待以賓禮與偽吳戰子夔伏甲士佯以弱卒拽舟若降誘其驍將徐某等使深入伏忽發盡獲之上嘉其功賞賚甚厚後謝事歸洪武乙丑以博古通今召上曰人心不改何以治之子夔對曰臣聞繼治世者其道同繼亂世者其道變人心不改則以中和之道治之上嘉納親

製救論并古辭賜歸

鄭旭

字景初閬縣人洪武中以學行薦為國子掌儀上幸太學親選才德兼備者十人以傳東宮旭

居第二後以飛語謫吏雲南二十餘年三十二年以明經薦起為高安縣學訓導卒旭居家孝

友與人交有信義一時名聞王偁林誌輩皆敬禮之其學於五經俱聞纖所著有詩經總

旨初學提綱咏竹

稿等書藏于家

鄭潛

字彥昭歙人潛有行由內臺掾薦授閩監察御史後入國朝以故官起除閩

主簿

陞潞州同知歷禮部尚書洪武十年致仕卒所著有白沙藁摺卷集

鄭桓

潛子字居貞從父官閩中從貢師秦遊初以耆儒與唐仲實等召對稱旨洪武中舉明經授鞏

昌府判陞禮部郎中終河南布政司左叅政方孝儒為漢中教授居貞嘗以詩送之永樂時坐

方黨死有詩文曰閩南集闕

隴行藁歸來藁隨藁檜庭藁

鄭洪

字以仁少學易於元貢士嘉禾鮑恂崑山長洲更聘訓導縣學郡縣之學易者多出其門洪武

中舉授禮部郎中尋  
以疾告歸號味易叟

鄭文霖

字汝衆號耽犁子休寧人好善樂道嘗應辟  
不仕歸與周玄黃玄鄭定高揀王恭陳亮諸

人賡詠尤耽於耕故號耽犁嘗曰吾拙於進取  
而惟犁鋤之是就安於蹇窮而惟稼穡之是務  
方吾犁之在手也茫乎其無思熙乎其自治不  
啻執圭秉璧之榮而運斤游刃之適也所著有  
耽犁卷榜眼練子寧為之賦

狀元張顯宗為之跋藏于家

鄭思先

洪武中為福建布政使學通經史為政寬  
嚴適宜務與民同其好惡人皆斂跡安之

鄭楚瞻

崇德人以學究推薦歷官老  
成累陞都察院右副都御史

鄭愷

閩縣人博學善詞章其文深雅自成  
一家詩歌馳騁士流有集藏于家

鄭華

臨海人洪武二十九年貢士任行人謫東平州通判將赴任聞北平師起時鄉人趙次進為無

錫縣丞華以妻寄之

馳至東平力疾戰死

鄭智

字叔真寧海人建文初舉賢良力學好古工文詞孝儒薦為監察御史蒞事精敏持正不阿永

樂時坐

方黨死

鄭恕

字本忠儂居人由訓導陞徐州蕭縣知縣北平師至力拒焉被執而死其二女亦死之

鄭誠

南城人永樂間為國子生選擢吏部司務端慎勤謹歷遷文選員外郎郎中掌選精密宣德初

進陞本部右侍郎儀矩修整奏對明辨

事上接下恭而有禮士論咸推重之

鄭閻

字公望閩縣人永樂中登進士第自乞興學校遂授安陸州學正改無為州遷廣信府學教授

所至師道尊嚴作人爲多致仕卒閭性質直剛毅嫉惡不少假借居官三十年囊無餘資其學精于禮記旁及子史醫厯之書時與林誌齊名有抑齋集

鄭珞

字希玉閩縣人永樂中舉進士入翰林爲庶吉士授刑部主事宣德中擢寧波府知府中官裴可烈以公事至郡貪暴不法民被其搔擾珞上其罪詔可烈置於法丁內艱郡民上疏乞留詔復仕黜職吏抑豪強令行禁止發奸摘伏治績爲兩浙最陞左叅政卒

鄭英

字伯莘俠六世孫幼純篤事親孝謹父年老病劇英禱于東巖行祠求以身代父病隨愈越數載父卒哀毀踰禮既葬舉明經以母老辭母數違疾英侍湯藥未嘗解帶親爲滌溺器及母卒竭資產營葬復以明經孝弟舉授廣西南寧府經歷卒

鄭懋中

名懋以字行晉江人領應天丙子鄉薦擢知程鄉縣治先禮義不尚法律民謠之曰鄭懋

中真長者禁令不煩徭役寡斯民相見何嬉嬉昔日無羊今有馬初程鄉民鮮知學懋中始作新學校親為生徒講解自是始有進士登第者一日感疾戒其子具湯沐正衣冠端坐而逝民

哀慕之

鄭阜義

字公直少爽朗甫長入郡庠領永樂戊子鄉薦明年會試中副榜例授教職辭不受特賜

冠帶卒業太學登進士上命吏部於進士中擇學行超卓者授以方面阜義得山東參政上以阜義優於文學改廣東蒞職九載政聲日起以疾卒弟永義中永樂庚子鄉試仕當塗知縣子自強選於經學為詩文冲澹有主意中乙卯科鄉試任上杭訓導

鄭復言

本忠子舉永樂丙戌進士選翰林庶吉士讀中秘書鈎纂精微預修永樂大典應制白鹿

稱旨授禮部主事陞員外郎郎中太僕少卿引年歸雍言舉乙未進士亦改庶吉士授中書舍人仁宗監國屢命賦詩頃刻立就尋命署禮部尚寶司及六科事上嘉曰卿不獨文詞典雅作字亦端楷嚴密甚類為人陞河南按察僉事宣宗御極雅重其名留直文華殿日備顧問陞太常少卿兄弟友恭無愧家學人稱二難

鄭述

字季述閩人少貧力學永樂十九年登進士授刑部主事宣德中以公事坐累調惠州府通判為政端平清訟牒均徭賦禁暴繩亂民不敢犯政聲大著正統初擢知南雄府重新郡縣廟學每五日輒一戾學宮視諸生所業而激勸之士風為之一變十二年致仕郡民乞留不果從卒

鄭德普

號景厓崇安人幼聰敏博記自場屋文廢刻意學詩與趙若樾范師孔諸人日相酬唱如

題靈巖云山蒸雲氣晴能雨泉披風聲夏亦寒詠柳花云絕無氣力原非絮空費形容不是花

詠南樓云鴈斷風仍急鳥啼天正陰皆佳句惜散逸不多見也

鄭深道

龍溪人由鄉貢兩任典教五司文衡未嘗有過舉洪熙元年授司經局校書陞梁府紀善

救懷之有曰文學老成操履清慎累承仁廟論問及賜膳侍宴尋致仕卒

鄭建

字弘中懷安人宣德中舉進士選入翰林為庶吉士一日上御文華殿召試諸葛孔明可與興

禮樂論親第其高下以建為第一賜鈔百錠未幾授南雄府通判郡民憚徭役逃竄者多建悉詔使復業仍奏蠲其逋負丁艱服闋廷議處州府增設通判一員除建以往閩寇鄧茂七侵掠

浙境建分守龍泉命其子黼掾甲冑率民兵與賊抗者數月斬首五百餘級直搗其巢穴獲其男婦之被虜者二千餘人以歸其他脅從者悉散遣之景泰中以功陞本府同知越二年遷浙

江按察

司僉事

鄭照

字孔昭閩人性鯁介不苟阿隨正統間授安遠

令未幾以憂還起復改德安為政以節用愛人為主一錢不妄費一民不輕用終照之任邑無失政無冤民焉持身皎如玉雪時都御史韓雍巡撫江西稱照為廉官第一致仕歸郡人柯內翰潛遺之詩有云間因投笏早貧為守官廉一瓢顏子樂三韭果之賢人以為實錄云鄉大夫士私諡之曰清介先生

鄭安

字康民海陽人敏悟絕人領正統十二年鄉薦第一登景泰五年進士授河南道監察御史彈

劾不避權要憲宗即位抗疏陳八事多見採用  
因南畿災變迭見復疏言宜策免大位戒飭在  
位言甚剴切繼遷陝西按察副使時番賊駝龍  
等一十五族屢為邊害巡撫檄安會軍撫捕安  
直抵番界召酋長諭以禍福皆率衆詣軍門請  
降歸所掠人畜財物固原州土默特穆蘇等據石  
城架砲山作亂出師討之安在行多贊畫穆蘇  
就擒安作西征鏡歌鼓吹以紀之居官二十年  
敝廬環堵未嘗增產  
業秩滿以母老歸

### 鄭珪

清流人為縣刑曹掾景泰八年草寇復發劫掠  
鄉村民駭竄至楊梅逕路狹入莫能進賊數十  
追及珪挺身與之戰自午至申賊亂鎗傷其臂  
珪悍然不顧賊畏其勇而退珪亦力疲倚石僵  
立而死境中之民四  
百餘家悉賴保全

鄭時

字宗良舒城人景泰進士歷尚書

鄭銘

邯鄲人登天順甲申進士第授監察御史成化二年巡山海關繼巡陝西茶馬皆有闕

之畧尋按蘇松等處擊貪暴獎善良

闕

聲

震南畿陞山東按察司副使然以性不阿比有閤宦諧之左遷山西叅議後得直累擢本省右布政使持憲兩藩多所樹立後懇乞歸老卒于

家人咸稱其宦履

鄉評兩無玷云

鄭佑

常山人天順中為福建按察司副使正而不激嚴而不苟寬而不縱持憲務存大體時有旨命

巡按御史會藩憲重臣考察郡縣官憲司

因推佑以行所至黜陟甚當後以公事卒

鄭環

字瑤夫仁和人天順四年進士及第第三授翰林編修歷司經局洗馬太常少卿廉介方正不

妄取與家居足跡不踐公府一時翰林鮮見其傳云

鄭宗仁

字體仁任丘人成化丁未進士歷尚書

鄭炯

字叔亮閬縣人成化己丑進士歷參政弟昭字叔昭丁未進士歷知府

鄭岳

字汝華莆田人弘治癸丑進士累官湖廣按察使嚴毅不屈端諒敢為後遷戶部侍郎

鄭一初

字朝朔揭陽人幼穎敏而確有大志弘治十八年進士以病歸養晦紫陌山閉門却掃日

講正學時有持千金囑之事者一初輒然曰名義至重鬼神難欺遂叱之後為雲南道監察御史風紀克振開王陽明講學遂師事焉

屢貽書教子弟安分力學疏歸卒于杭

鄭善夫

字繼之弘治乙丑進士歷南京驗封郎中素多疾卒之日年方三十有九有文學尤工於

詩國寶編謂其氣秀巖谷發情  
聲詩古色精言高映霞表信矣

鄭錫文

字禹範閩縣人弘治癸丑進士授義烏令拜  
南京監察御史時逆瑾竊柄臺諫皆其私人

文引病丐歸瑾奪其官瑾誅起雲南僉事武甯  
姜奎與景東守洪陶有隙構兵拒命文去兵衛

涉其庭責以大義咸抵罪不問

焉累擢廣西

右布政使歷官三十餘年

閏

將既歸堅告

不渝鄉評推重之子源

閏

正德丁丑進士任刑

部主事偕邑林公黼陳

閏

疏諫武廟南巡廷杖

創甚仍匍匐為辭

治喪衆嘖嘖難之

鄭憲

字有度仙遊人穎悟絕人端和純粹有黃叔度  
之風正德丁丑進士授刑部主事為大司寇劉

玉所知委看詳諸司奏牘尋丁內外艱先後六  
年不入私室服闋在告積十四年猶以主事謁

選先與禮部主事方獻夫相友善及憲起復方以議禮驟致通顯相值卽舍憲止一揖而出方銜之逾年仍補刑部蓋憲抗節履道雖偃蹇濡滯弗恤也終光祿寺丞

鄭漳

字世績閩縣人正德丁丑進士歷侍郎

鄭紳

字公佩溧水人正德甲戌進士歷尚書

鄭氣

字浩然靜海人正德甲戌進士歷布政

鄭曉

字室甫海鹽人嘉靖壬午解元癸未進士授刑部主事歷刑部尚書卒贈太子太保諡端簡曉

文學優長才識超卓深諳典故典通達國體佐銓秉持不肯依阿司憲定律綽有定力竟以忤時相去惜哉

鄭世威

字中孚樂安人嘉靖乙未進士戶部刑部主事員外廣東江西僉事浙江叅議江西副使

四川叅政致仕嘉靖四十五年詔起用湖廣叅政南京右通政都察院右僉都御史左副都御

史南京吏

部右侍郎

鄭大同

字皆吾莆田人嘉靖己丑進士歷刑部侍郎

鄭綱

字子尚莆田人嘉靖己丑進士歷侍郎

鄭維誠

字伯明祁門人嘉靖甲午鄉試第一辛丑進士歷叅政

鄭廷鵠

字元侍南海衛籍德清人嘉靖戊戌進士歷四川叅政

鄭大經

字正之西安人嘉靖丙辰進士歷吏科都給事中太僕寺少卿



萬姓統譜卷一百七

欽定四庫全書

萬姓統譜卷一百八

明 凌迪知 撰

去聲

二十四敬

孟

平陸羽音魯桓公子慶父之後號孟孫因氏又望出東海

周

孟懿子 名何忌見論語

孟獻子

名蔑見論語

孟武伯

名彘見論語

孟公綽

為趙魏老則優不  
可以為滕薛大夫

孟僖子

屬二子說與何忌師  
事仲尼而學禮焉

孟軻

字子輿戰國時騶人受業子思之門人道既通游  
齊梁以仁義說其君不能用退與萬章之徒序詩

書述仲尼之意作孟子七篇後世累封鄒國亞聖  
公配享孔子廟庭本朝官其後為翰林院五經博士

孟舒

事趙王敖從王至長安高祖召見與語漢廷臣  
無出其右拜為郡守文帝問田叔曰公知天下

長者乎對曰雲中  
守孟舒長者也

孟明視

文二年秦伯用孟明視增修國政重施於民  
三年秦伯伐晉濟河焚舟晉人不出遂自茅

津濟封殺尸而還遂  
霸西戎用孟明也

孟賁

古勇士

漢孟敏

字叔達鉅鹿人性剛直有剖決不仕嘗客居太原荷甑墮地弗顧而去郭泰見而問之敏曰甑已破矣視之何益泰奇之因勸令學卒以成德三公徵辟並不屈

孟卿

東海人事蕭奮以其業授后蒼蒼說禮數萬言以授梁人戴德戴聖沛人慶普普為東平太傅德號大戴為信都太傅聖號小戴以博士論石渠由是禮有大戴小戴之學

孟喜

卿之子從田王孫受易由是易有施孟梁丘之學舉孝廉為郎曲臺署長

孟嘗

字伯周上虞人少修操行仕為郡功曹辦孝婦之冤後遷合浦太守去珠復還興利草獎人稱神明

孟節

漢末人得仙道能含棗核而不食可至五年十年又能結氣不息狀若死人亦可至五年

三國孟光字孝裕洛陽人漢末入蜀劉焉父子待以客禮光博物識古無書不覽蜀先主定益州拜為議

郎遷大司農  
年至九十餘

孟康字公休孟子十八代孫魏明帝時為散騎侍郎歷官至廣陵郡侯嘗注漢書

孟宗字公武江夏人仕吳為令每得時物必以寄母不敢先食母嗜笋冬時笋尚未生宗入林哀泣

笋忽迸出聞母亡  
犯禁委官得免死

孟觀字彥重衛將軍昶之弟昶觀並美風姿時人謂之雙珠

晉孟嘉字萬年宗曾孫少知名太尉庾亮領江州辟為從事亮嘗大會客豫章太守褚裒問嘉安在亮

由是益重嘉後為桓溫參軍九日宴龍山風吹帽落嘉不覺溫命孫盛為文嘲之嘉即為答文

甚美四生嘆  
嘗後遷長史

孟觀

字叔時渤海東光人少好讀書解天文沉毅有文武材惠帝時領宿衛兵破齊萬年徵拜右將軍

孟陋

字少孤嘉弟清操絕倫喪母毀瘠殆於滅性不飲酒食肉者十餘年桓溫躬往造焉不敢屈致

南孟業

字敬業安國人仕北齊補河間國王郎中令清貧自守累遷東郡太守以寬厚著名

孟信

字修仁任魏從孝武帝為趙平太守政尚寬和權豪無犯山中老人曾以狔酒饋之信和顏接

引慙慙營問乃自出酒以鐵鐺溫之素木盤盛蕪菁菹唯此而已又以一鐺借老人但執一盃

各自斟酌中酬酢之意謂老人曰吾至郡來無人以一物見遺今卿獨有此餉且食菜已久欲

為卿受一狔爵耳酒既自不能有不能相費  
老人大悅再拜擊狔進之酒盡方別

孟表

字武達濟北蛇丘人仕齊為馬頭太守據郡歸魏除南兗州刺史齊遣裴叔夜攻圍六十餘日

城中食盡惟以朽草草木皮葉為糧撫循將士戮力固守孝文嘉其誠封汶陽縣伯累遷光祿

大夫卒  
謚曰恭

孟懷

字安丘人武帝東伐孫恩以為建武司馬從平涼口定建業以功封鄱陽侯盧循迫京邑以

戰功為論議參軍循平封陽豐縣男遷江州刺史丁父艱有孝性上表陳解不許因抱疾卒弟龍符以軍功封平昌縣子加龍驤將軍

唐

孟簡

字幾道平昌人工詩尚節義舉進士宏詞連中累官至諫議大夫議論抗切出為常州刺史陞

戶部侍郎加  
御史中丞

孟詵

汝州梁人孟子三十一代孫登進士第累官鳳閣舍人轉春官侍郎拜同州刺史神龍初致仕

詔河南春秋給羊酒以終其身

孟郊

字東野武康人少隱嵩山性介少合為詩有理致最為韓愈所稱登進士調溧陽尉後隨鄭餘

慶鎮興元為參謀卒張籍諡曰忠貞先生

孟利貞

華陰人父神慶高宗初為沁州刺史以清介著名利貞初為太子司議郎中宗在東宮深

懼之受詔與少師許敬宗崇賢館學士郭瑜顧肅董思恭等撰瑤山玉彩五百卷龍朔二年奏上之高宗稱善加級賜物有差利貞累轉著作郎加弘文館學士垂拱初卒又撰續文選十三卷兄允忠垂拱中為天官侍郎

孟浩然

襄陽人好節氣隱鹿門山年四十遊京師王維私邀入內署俄玄宗至維以實對帝曰朕

聞其人而未見也召問其詩浩然再拜自誦所為詩至不才明主棄之句帝曰朕未嘗棄卿奈

何誣我因放還張九齡辟為荊州從事

孟瑄

郴人元和中進士嘗著嶺南異物志韓愈送瑄序云今年秋見孟氏子瑄於郴年甚少禮甚度

手其文一篇甚鉅退披其篇以讀之盡其書無有不能其見重如此

孟雲卿

平昌人第進士擢校書郎與杜甫元結最相友善甫服其稽古有孟子論文更不疑之句

孟遲

字升之平昌人會昌及第詩一卷

孟昭圖

黃巢之亂田令孜勸僖宗幸蜀從之至成都黃頭將作亂昭圖時為左拾遺請對不召因

上疏極陳君臣一體黃頭亂陛下惟與令致閉  
城自守不召宰相共謀羣臣欲入不得求對不  
許天下者高祖太宗之天下非北司之天下陸  
下九州之天子北司豈悉忠於南司廷臣豈無  
用於敕使疏入令致矯詔  
貶昭圖嘉州司戶叅軍

孟仕源

壽昌有石臨樊水有窠仕源居其下元結命  
曰杯搏石銘曰時俗澆狡日益偽薄誰能杯

飲共守  
淳朴

孟賓于

字國儀連州人仕終水部員外郎能詩有金  
鰲集陳堯佐為序稱其如百丈懸流灑落蒼

翠間清雄奔放望之豎人毛  
骨五代詩人未有過之者

孟貫

字一之建安人少好學遊廬山以禮義文  
章節儉為當時師範人稱孟子仕於周

孟方立

邢州人少有力仕梁為昭義軍節度使節制澤潞邢洺磁五州而治潞州後徙軍於邢

晉將安金俊攻磁方立往救之兵敗馳還邢食盡飲酖卒

孟知祥

邢州人仕後唐為成都令西川節度使明宗立知祥訓練兵卒陰有王蜀之志并有東川

及明宗殂乃建其國曰蜀傳子昶為宋所平

宋

孟元

字善長洺州人性謹慮少過頗喜讀書仕為真定路鈐轄討貝州叛被數十鎗戰愈力累官大

名路副都總管子在累官閣門祇候榮州刺史在之女祐宗皇后

孟忠厚

元曾孫父彥弼追封咸寧郡王元祐太后兄也宣和中官至將作少監建炎中孟太后幸

杭州及洪州累遷鎮海軍節度使封信安郡王卒贈太保

孟猷

字良甫忠厚孫猷嚴已恕物不立崖岸立朝無黨與未嘗論人以同異之時歷婺州通判又知

婺州四持使節所至皆安其政令官至朝議大夫

孟導

字達甫猷弟與兄俱學於葉適導通判臨安府盡心職務諸司交薦之三遷大理寺知江陰軍

官至太中大夫

孟彥

卿高宗初年通判潭州杜彥叛侵長沙彥卿與添差通判趙民彥領兵擊之各手刃數賊力

屈死之邑士謝淳助戰亦被害後朱熹帥湖南立廟並祀之

孟宗政

字德夫歸安人父林從岳飛至隨州因家焉宗政有膽畧為京西鈐轄駐劄襄陽屢敗金

人金人不能支棄旗甲輜重而走復追至范家庄擒殺不可勝計金自是不敢窺襄漢中原遺

民來歸者以萬數宗政發廩賑之給田與屋籍其壯者號忠順軍俾出沒唐鄧間宗政由是威名震於境外金人呼為孟爺爺宗政好賢樂善於有功者怨必賞有罪者親必罰死之日邊城為罷市慟哭子

珙亦為名將

孟珙

字璞玉宗政子累功封漢東郡侯兼京湖安撫制置使知江陵府屢敗金師端平初與元將布

展共滅金守荆襄二十年朝廷賴之有恢復志未就而卒贈太師吉國公諡忠襄廟曰威愛珙忠君體國之念可貫金石平居接物一以恩意撫待惟建旗鼓臨將吏面色凜然無敢唾涕者退則掃地焚香隱几危坐蕭然事外者遠貨色絕滋味自號無菴居士凡璟弟璋皆有戰功璟為湖北安撫副使知峽州

孟安仁 寶祐中知雷州修築堤渠沿渠之田增種七十餘石民樂其利頌云拍堤白水皆侯澤連

陌青禾盡福田其為民所愛如此

孟浩

字養直宜春人乾道間知武寧縣有聲累遷至湖州以忤權貴罷後復起官至直秘閣為人廉

介一毫不妄取與為文章有法度所著有艷枝集

孟文龍

字震翁吳人鄒國之裔昭慈太后為世姪孫浙東提舉當元兵壓吳文龍奮激與守臣議

不合遂返災昭慈廟國亡不出戶庭者三十年著易解大全三十卷

孟植

字元立忠信誠慤判南康簿茶寇聞其至遂遁去改知瑞金以最聞遷浙東倉庫憲事作平糶

倉鑑湖為豪右障塞害於耕植蕩地千六百畝復為湖以利民薦進人物未嘗形於言奉祠歸

欽定四庫全書

卷一百八

七

尋起知岳州  
卒贈少保

金

孟奎

字元秀世宗時授上京等路提刑判官初遼東契丹判余里也嘗殺驛使大理司直有契丹人

同名者有司輒繫之獄奎按囚速頻路獄而出之既而果獲其殺司直者

元

孟德

濟南人由鄒平縣令累官同知濟南路事數從世祖征伐有功遷沂邳萬戶加至昭勇大將軍

使招討

孟祺

宿州符離人幼敏悟善騎射早知問學辟掌書記廉希憲等器重之薦為國史院編修官一時

典冊多出其手已延南伐棋贊畫大計酬應剴決畧無疑滯累官至提刑按察使卒諡文襄

孟攀鱗

雲內人幼時日誦萬言時號奇童金大定中進士元授翰林待制嘗陳七十事世祖悉嘉

納之卒追封平  
原郡公諡文定

孟夢恂

字長文黃巖人師事楊珏陳天瑞夢恂講解經旨體認精切以薦署台州學錄至正中設

策禦寇救鄉郡以功授宜興州判官未受命而卒賜號曰康靖所著有性理本旨四書辨疑漢唐會要七政疑解及筆海雜錄

明

孟驥

字尚德蕭縣人洪武初以才能舉累官禮部郎中治績書最陞河南左參政益鍊達政務遷四川左布政使任滿夷民不

釋復增扶留之後致仕

孟禎

息縣人聰敏力學處事知大體洪武中以儒士舉累官四川左布政使

孟成

洪武中河源知縣梗介廉勤賞罰明信尤留心於學校暇日考校諸生優劣多底於成

孟常

洪武間為石埭知縣撫字有方先時邑民負租累歲無徵常到任設法足之民獲安業滿考民

慕其德赴

京奏留之

孟善

海豐人永樂中從征有功累陞都督同知進封保定侯卒追封滕國公諡忠壯

孟鑑

字克明真定人宣德癸丑進士任戶科都給事中正統十四年南海賊黃蕭養越獄為耗事聞

陞戶部右侍郎奉敕巡撫摩勞徠散其黨與次年四月遂剿平之廣民至今賴焉

孟淮

成化間以戶部郎中陞運使淮累居財府能振清譽時河東鹽賦歲征數十萬權得自專淮獨

毅然援折事體具奏請御史監臨之

孟俊

咸寧人由舉人成化八年任上抗知縣廉明有膽畧為治嚴而有則理禁剔蠹威行惠流吏畏

而民悅之尤能優禮學校敬老恤孤治行冠於  
列邑七年徵為監察御史巡按南畿復陞蘇州  
府知府政任鳳陽所在卓然  
有聲終以布政司叅政致仕

**孟克**  
字實夫高安人博洽書史為文有理致由舉人  
授叙州府學訓導陞福安縣知縣朝夕吟詠身  
與詩習所著  
有山樓集

**孟麟**  
字瑞魯曲阜人成化中舉進士授工部主事陞  
郎中提督兩直隸水利奏興水利六事有侵河  
防占官湖者痛懲之以法勢家不便陰為  
之媒孽累官至陝西布政使司左布政使

**孟鳳**  
字瑞周麟弟弘治間舉進士授監察御史陞懷  
慶府知府教民濬渠溉田累官都御史總制北  
敵邊境寧輯轉督漕事值徐淮大水武廟親征  
鳳區畫有方民不勞費累遷刑部尚書卒贈太

子少保  
諡文簡

孟春

字時元澤州人弘治丙辰進士歷吏部左侍郎

孟洋

字望之信陽人弘治乙丑進士授御史言事謫教授歷都察院僉都御史督理糧儲聞母病不

待報而歸歷大理寺卿莅官清勁事無凝滯工詩才思逸發有有涯集

孟雷

字孔敬澤州人與兄霸同舉進士遷揚州府同知裁革內使夫役逮獄改調雷州明敏卓犖剖

決如流清苦自若貪墨斂跡歷按察僉事

孟陽

澤州人吏部右侍郎春之子正德甲戌進士授行人乙卯教皇帝鑒回朔漠將南巡陽率同官

十九人直指權姦欺君誤國之罪抗疏忤旨下錦衣獄杖罰午門跪五日復杖之陽仰天嘆曰

死得其所矣春泣曰臣分當如是何憾焉越一日卒於京邸世廟登極贈陽監察御史蔭一子入監

孟廷柯

字培之武昌人正德辛未進士任大理寺副與翰林修撰舒芬等諫止武宗南狩謫戶

部照磨嘉靖初擢四川僉事轉陝西叅議雲南叅政

孟淮

字豫州祥符人嘉靖戊戌進士歷官都御史巡撫山西改應天府尹性抗直忤時歸素好詩歌

有入蜀稿

孟廷相

字爰立霸州人嘉靖戊戌進士歷布政

孟養性

字存甫齊河人嘉靖戊戌進士歷都御史

盛

汝南羽音周穆王時盛國之後天望出梁國

漢盛吉仕漢為廷尉視事二十  
年天下稱有恩無怨

盛苞後漢北海太守

盛修御史中丞

三國盛沖吳孫休受學焉及即位  
以為博士講論道藝

盛曼建平太守

盛憲守孝章會稽人器量雄偉與弟宏仲三人總為  
一時名士歷吳郡太守子匡奔魏位至征東司

馬

盛彥字翁子廣陵人少有異才母因疾失明彥不應  
辟召躬自侍養疾久奴伺彥出取蟻螯炙進母

食之美且疑之藏以示彥彥見之抱母慟哭幾絕母目即開後仕吳至中書侍郎吳平仕晉為

正中

唐盛彥師虞城人隋末為澄城長高祖兵至汾陽彥師率賓客上謁授行軍總管鎮汾陽以斬李密

功封葛國公

宋盛豫仕吳越為檢校太傅奉使歸人曰盛太傅無憂色吾屬安矣歸宋後贈太師二子京度

盛京

餘杭人登進士第入官薦至諫議大夫出守江寧以老乞便郡詔移海州天資仁厚不忍以法

繩下而吏民化服亦不忍欺以事去久而民愛思之終工部侍郎後子遵甫以光祿丞通判海州歲旱發公私藏粟以廩民又設方略捕奸盜發輒得遵甫子仲孫以朝奉大夫守海州暮年

州稱治邦人有盛使君  
家兒世世循吏之稱

盛度

字公量餘杭人端拱初進士歷官翰林學士拜參知政事遷知樞密院事後以太子少傅致仕

家居圖書未嘗  
釋手卒諡文肅

盛均

字之才永春人大中十一年進士博物強記舍人皇甫煥以博辨雄一時惟均為勅敵嘗病白

氏六帖疏畧廣成盛家十二帖囊括經史  
貫穿百家頗資時賢所好終昭州刺史

盛仲次

元豐初為慈谿令雅有文名究心民瘼持身公介不畏強禦戢吏愛民政多惠利後為內

相

盛陶

鄭州人第進士為監察御史累官權禮部侍郎後以龍圖閣學士知順昌府嘗劾李復圭輕敵

敗國程昉開河無功二人實王安石所主陶不少屈史稱其大節可取

盛子克興國人親喪廬墓鄉里稱其孝家藏書甚富有閣曰萬卷子充與王黼同舍黼登相位一

無所求仕  
止朝奉郎

盛玄景德中上召翰林梁灝夜對詢以館閣人物對曰晁迥篤於詞學盛玄敏於吏事

盛次仲元祐間與孔平仲同在館中夜論雪詩次仲曰看來天地不知夜飛入園林總是春平仲

大服

盛明叟昌化人以文學名蔡蒙齋讀書因以自號工文辭有凍蠅說雪賦薇子傳為士大夫所

稱仕至儒林郎建寧府甌寧縣丞

元盛欽

字敬之餘杭人大德間江淮財賦府總管讀書明理清勤有節操從子伯珙臨安儒學教諭與

翰林承旨李孟交好累有書問仲子伯濬定安縣尉危太璞每以書問稱仲深先生

盛昭

字克明順帝時由儒學官累遷淮南行省照磨詔往高郵授所與張士誠官士誠拒聽拘諸

舟中昭語所從吏曰吾之止此有死而已既而官軍逼高郵士誠授昭以兵使出拒官軍昭叱曰吾奉命招諭汝汝拘留詔使罪不容斬又欲吾從汝為賊耶大罵不絕口賊怒先剗其臂肉而後磔之

明

盛本

初洪武初永清知縣撫民以寬為政初有方經營有度縣民至今不忘

盛逮

字景華吳江人洪武初以賢良應召賜冠帶參大臣議事與御史大夫陳寧不合因以疾辭歸

弟章以鹽法被逮父憐其少子不忍遣逮請代之因謫戍寧夏年九十三子寅字啓東治醫名聞於上授御醫在上前持論梗梗上甚重之扈從北征大被眷遇歷太醫院使

盛庸

不知何許人靖難兵起克叅將從長興侯數失利長興侯召還庸又從曹國公轉戰燕齊間互

有勝負建文二年七月鐵鉉守濟南靖難兵圍急庸夜出劫戰盡憑城防禦盡毀北平諸攻具捷聞即軍中陞鉉兵部尚書封庸歷城侯食祿千石克平燕將軍總兵官代曹國公鉉叅贊軍務是年十二月戰東昌殺張玉三年三月大戰於夾河殺譚淵再戰敗走德州欲搗北平靖難兵長驅至淮上四年春夏間庸南趨靈璧齊眉山戰皆敗次於淮南六月靖難兵至浦口庸出高資港又戰敗靖難後救庸曰比以山東未定命卿鎮守淮安今鐵鉉就獲諸郡悉平朕念山

東久困兵革憊於轉輸卿宜輯兵養民以稱朕  
意永樂元年致仕千戶王欽發庸罪狀陞欽指  
揮同知賞銀百兩未幾都御史陳瑛劾庸口出  
怨言心懷異圖請誅庸遂削爵庸暴卒今英國  
公新寧伯即  
王淵後也

盛敬

字存禮初任行人庚辰冬其兄涉江覆舟沉其  
軀敬陳情奔歸操舟直抵其所求而得之葬祭

以禮奉嫂撫孤曲盡恩義邦之士夫若劉侯有  
年輩咸贈詩文以著其友愛之篤尋陞陝西道  
監察御史巡按廣東遼東甚有廉幹譽永樂  
乙酉卒於遼海窻窻朋舊哀悼賻祭者頗多

盛璞

宣城人性剛方負氣能文章永樂中由國子生  
除寧波府同知以廉愛稱擢南京戶部郎中出

守黃州尤有德政歷官二十餘年所至  
不携妻孥惟行囊二肩馬僕各一而已

盛俊

字用章華亭人正統乙丑進士歷副使

盛綸

字以翰華亭人正統戊辰進士歷叅政

盛昺

字允高吳江人景泰進士授御史清山東馬政值其地菑上疏乞蠲民所負孳息出按廣東時

瀧水賊猖獗昺單騎諭之遂降歷叙州知府

盛友聞

巢縣人少時母再適後知母在永平走數千里染疾歸宣德癸丑復顙天而行載母歸竭

已奉養者二十年母壽九十有六既葬廬墓三年有鵲巢連枝之異人咸以為孝感

盛顯

字時望無錫人景泰辛未進士拜御史以言事出知東鹿丁內艱復除東鹿民相率詣闕乞

還從之時有水鏡之謠累官刑部侍郎山東饑轉副都御史往撫之致仕歸以疾卒

盛洪

字思禹崑山人主刑部事明習文法三被旨按獄其所當無問貴勢適有連諸閹宦請命不

能得居久之遷按察嶺南故與夷貿易費闢出物私其利外國因以為市洪嚴禁遏絕之乃潛以黃金百斤饋拒不納又上章論夷嗜利令監以所欲啗之而又浚刻之深召譽啓侮非便蒙嘉納既罷後以其功復召按察山東道卒洪介廉自其性為理甚平若無所縱舍而論事常依

恕仁

盛鳳儀

字景瑞海陽人以成化己酉貢授仁化縣學訓導以賢能聞巡撫韓雍檄置幕府尋韶之

翁源乳源二縣兵發鳳儀設策平定安輯仍命耕種絕戶田以補輸民苦租賦不均鳳儀上議因田肥硲定賦三則以均之繼擢安溪教諭署縣事遂撫學地舉殿堂齋舍而一新之後以秩

滿乞休生徒遮留至數百里正德間仁化士民思之與教諭翁瑛林岩並祀為三賢祠云

盛端明

潮陽人字希道弘治戊午解元壬戌進士入翰林為檢討歷禮部右侍郎備顧問對以攝

生要法不過寡慾為本轉為禮部尚書諡榮簡

盛應期

字斯徵吳江人弘治進士歷任巡撫四川都察院右副都御史丁艱起復改補巡撫江西

風裁嚴峻累陞左都御史總督河道致仕

盛儀

字德章江都人弘治乙丑進士歷光祿卿

盛若林

字子才海陽人嘉靖戊戌進士歷副使

盛唐

字原陶嘉善人嘉靖戊戌進士歷叅政弟周字文郁癸丑進士歷知府

盛汝謙

字亨甫桐城人嘉靖辛丑進士歷戶部侍郎性敦實雅尚樸素遇事有執持人稱古君子

慶廣陵姜姓齊慶父之後以字為氏

周

鄭

晉大夫秦飢乞糴於晉惠公不與慶鄭曰背施無親幸災不仁貪愛不祥怒鄰不德四德皆無

何以  
為國

慶封

字子家齊左相當國專政奔魯穆子享之不敬使工為之賦茅鷁亦不知

慶舍

慶封誅崔杼公不聽政令慶舍已有內卻與田鮑高樂相與謀逐封

漢

慶普

字孝公沛人同戴德戴聖受禮於孟卿由是禮有大戴小戴慶氏之學仕為東平太傅

慶鴻

洛陽人慷慨有義節歷會稽太守所在有異政

慶喜

劉永將  
降光武

慶東

字子  
曦

慶福

慶丹

見印  
數

南  
北慶整

唐  
慶澄

廣德初以左兵曹參軍兼武康德清二縣令邑  
經兵燹澄於瓦礫荆棘之場創置宇舍城郭未

及暮年悉復其舊  
越歲繁庶過半

元  
慶童

以平章鎮海寧州距杭百里地瀕海硠瘠民  
甚貧居二年盜息民阜在任七年勞績甚著

明

慶鍾

永樂間紹興舉人

慶冬

和州人宣德中任知縣

慶龍

和州人正統中任都事

敬

平陽商音陳厲公子敬仲之後以諡為姓

周

敬丕

平陽太守秦人

漢

敬韶

揚州刺史

南  
北敬肅

字弘儉少以貞介知名心如鐵石老而彌篤隋大業中郡太守令畢集帝問蘇威曰其中清名

天下第一者誰對曰柳儉復問其次曰涿郡丞郭絢潁川郡丞敬肅帝賜儉帛三百足絢肅各

一百足  
旌異之

敬顯雋

字孝英陽平人少英俠從神武信都義舉歷位度支尚書神武攻鄴顯雋督造土山以功

封永安縣侯出內多歷顯官所在著名子長瑜武成時為廣陵太守

敬澄

字深源為無錫令素號頃劇澄為政有方民歌縑袴疏泉引瀑以增勝慧山則又其餘事也

唐敬暉

平陽人累官侍中留守長安以治幹聞誅二張迎復中宗以功封平陽郡王為武三思所構貶

瓊州

敬播

貞觀中遷太子司議郎與令狐德棻等撰晉書房玄齡嘗稱為陳壽之流以顏師古所註漢書

文繁令撮其要為四十篇

敬昕

河陽節度使武宗以王宰兼河陽行營攻討使以扞敵昕饋餉不絕

敬超先

昭州刺史有善政超先與杜甫友善甫寄高適詩序云今海內忘形故人獨漢中王瑀與

昭州敬使  
君超先在

敬元禮

番禺人吉州參軍武氏之亂御史李福業與桓彥範謀討平之彥範等被殺福業亦流廣州元禮見而敬重之已而三思遣吏捕之匿元禮家捕得俱坐死福業將刑謝元禮禮曰公窮

而歸我我舍公奚忍乎見者傷之咸歎為忠臣義士

敬翔

字子振深沉有大畧後梁太祖受禪改樞密院為崇政院以翔為使遷金鑾殿大學士

敬君弘

太平人齊右僕射顯儁曾孫也武德中為驃騎將軍封黔昌縣侯掌屯營兵於玄武門加

授雲鹿將軍隱太子建成之誅也其餘黨馮立謝叔方率兵犯玄武門君弘挺身出戰其所親止之曰事未可知當且觀變待兵集成列而戰未晚也君弘不從乃與中郎將呂世衡大呼而進並遇害太宗甚嗟賞之贈君弘左屯衛大將軍世衡右驍衛將軍

敬括

河東人少以文詞稱鄉舉進士又應制登科再遷右拾遺內供奉殿中侍御史天寶末宰臣楊

國忠出不附已者括以例為果州刺史累遷給事中兵部侍郎大理卿性深厚志尚簡淡在職不務求名因循而已大厯初叛臣周智光伏誅詔選循良為近輔以括為同州刺史歲餘入為御史大夫持重推誠於下未嘗以私害公士頗稱焉而從容養望不舉綱紀士亦以此少之大

厯六年  
三月卒

元敬鉉

易州人祖嗣徽金叅知政事父子淵樂陵令兄鑑嵩州同知皆以進士起家鉉亦第進士初為

中都儒學提舉博通經史文章鳴世所著有春秋備忘四十卷學者稱為大寧先生

敬儼

鉉從孫父元長有學行官至太常博士儼博學善屬文用郭良弼薦大德中為監察御史累官

平章政事卒諡文忠有詩文若干卷

明

敬惟寅

固原人永樂中山西吉州知州

敬忠

邵陽人永樂舉人禮部主事

敬明

霍州人宣德中以明經舉

敬承

靖州人宣德乙卯舉人

敬汝忠

洪洞人正德中任知州

正之威切子姓周正考父之後

周

正考父

宋上卿

正常

桓子有疾命其臣正常曰南孺子生子男則以告而立之若生女則肥也可

漢

正錦

武帝時獻寶鼎

三國

正帛

永昌太守

明

正復

合肥人洪武乙卯舉人大同府教授

正閏

綏寧人洪熙中任信靈縣丞

姓望出臨淄今南海有此族

漢姓偉

漢書貨殖傳臨菑姓偉貲五千萬

明

嘉靖間廣東南海縣貢士姓秉恭

鏡

見姓苑

漢鏡斂

字長孟河內令

令

見姓苑

漢令勉

中大夫改車騎將軍擊匈奴

萬姓統譜卷一百八